

KATŌLISKŌS BAZNEICAS EISS KATEHISMS

RĒZEKNES - AGLYUNAS DIECEZES KŪRIJA
2014

IKDĪNIŠKŌS LYUGŠONAS

SVĀTŌ KRYSTA ZEIME

**Dīva Tāva un Dāla, un Svātō Gora vōrdā.
Amen.**

KUNGA LYUGŠONA VAI TĀVS MYUSU...

**Tāvs myusu, kas esi debesīs, svēteits lai tūp
Tovs vōrds, lai atnōk Tova vaļsteiba, Tova
vaļa lai nūteik kai debesīs, tai ari vērs zemes.
Myusu ikdīnišķū maizi dūd mums šudiņ un
atļaid mums myusu porōdus, kai ari mes
atļaižam sovīm porōdnīkim, un naīved
myusus kādrynōšonā, beļ atpestej myusus nu
ļauna. Amen.**

ENĢEĻA SVEICYNŌJUMS JEB ESI SVEICYNŌTA...

**Esi sveicynōta, Marija, žēlesteibas pylnō,
Kungs ir ar Tevi; Tu esi svēteita storp sīvītem,
un svēteits ir Tovas mīsas auglis Jezus. Svātō
Marija, Dīva Mōte, lyudzīs par mums
grēcinīkim, tagad un myusu nōves stuņdē.
Amen.**

APOSTOLU TICEIBAS APLĪCYNŌJUMS

Es tycu uz Dīvu, vysuvareigū Tāvu, dabasu un zemes Radeitōju; un uz Jezu Kristu, Jō vīneigū Dālu, myusu Kungu, kas ir ijimts nu Svātō Gora, pīdzimis nu Jaunovas Marijas, cītis zam Poncija Pilata, krystā pīkolts, nūmiris un apglobōts, nūkōpis eļņē, trešajā dīnā augšancēlīs nu myrūnim; uzkōpis debesīs, sēd pi Dīva, vysuvareigō Tāva, lobōs rūkas, nu kuīnes Jys atnōks tīsōt dzeivūs un myrušūs. Es tycu uz Svātū Goru, svātū katōliskū Bazneicu, Svātūs sadraudzeibu, grāku atlaišonu, mīsas augšanceļšonūs un myužēigū dzeivōšonu. Amen.

VYSUSVĀTŌKŌS TREJADEIBAS PAGŪDYNŌŠONA

Gūds lai ir Tāvam un Dālam, un Svātajam Goram. Kai beja nu īsōkuma, tai tagad un vysod, un myužēigi myužam. Amen.

DESMIT DĪVA BAUSLEIBAS

Es asu Kungs, tovs Dīvs.

1. Tev nabyus cytus dīvus turēt leidz ar mani.

2. Tev nabyus Dīva, tova Kunga, vōrdu naļīteigi lītōt.

3. Tev byus svētejamōs dīnas svēteit.

4. Tev byus gūdōt sovu tāvu un mōti.
5. Tev nabyus nūkauf.
6. Tev nabyus lauleibu pōrkōpt.
7. Tev nabyus zagf.
8. Tev nabyus napafisu līceibu dūt pret sovu tyvōkū.
9. Tev nabyu ikōrōt sova tyvōkō sīvu.
10. Tev nabyus ikōrōt nivīnu lītu, kas pīder tovam tyvōkajam.

PĪCAS BAZNEICAS BAUSLEIBAS

1. Tev byus svātdīnōs un svātku dīnōs cīneigi pīsadaleif svātajā Misē un atsaturēt nu gryutim dorbim.
2. Tev byus Bazneicas nūteiktōs dīnōs atsaturēt nu gaļas ēdīnim un gavejamōs dīnōs gavēt.
3. Tev byus vysmoz vīnu reizi godā izsyudzēt sovus grākus.
4. Tev byus vysmoz Leldīnu laikā pījimt Vyssvātōkū Sakramentu.
5. Tev byus paleidzeit uzturēt sovu bazneicu un tōs kolpus.

SEPTENI SAKRAMENTI

- 1) Kristeiba, 2) Īstyprynōšona, 3) Vyssvātōkais Olfora Sakraments, 4) Gondareišonas

sakraments, 5) Slimnīku sakraments, 6) Prīstereiba, 7) Lauleiba.

LYUGŠONA SV. SORGEŅĒLAM

Dīva Eņģeļ, muns sorgōtōj, apgaismoj, pasorgoj, voldi un vodi mani, kū Tev ir uzticējuse Vysaugstōkō tēviškō mīlesteiba. Amen.

PĀDEJŌS LĪTAS

1) Nōve, 2) Atsevišķō fīsa, 3) Debesis, šķeisteišonas guņs, vai eļne, 4) Augšanceļšonōs, 5) Postora fīsa, debesis vai eļne.

LYUGŠONA PAR MYRUŠAJIM

Myužēigū mīru dūd jim, Kungs, un myužēigō gaisma lai speid jim. Lai jī dus mīrā. Amen.

NŪSLĀGUMS

Dīvs, Kungs esi žēleigs maņ, naboga grēcinīkam!

Dīva Tāva un Dāla, un Svātō Gora vōrdā. Amen.

Kod mes reiz izbreinā pōrkōpsim dabasu slīksni, nūsalīkdami Dīva trūņa priškā, mes kai pyrmūs vōrdus saceisim īrostū katōļu

sveicīni: «Lai ir slaveits Jezus Kristus!» Un vysš dabasu golms svineigi mums atbiļdēs: **«Myužeigi myužam. Amen.»**

Ari šeit vērs zemes mes gribim vysod un vysur lītōt šū sveicīni, vai tam leidžeigū:

V.: **Slava Vyssvātōkajai Jezus Sirdei!**

P.: **Slava bezvaineigajai Marijas Sirdei!**

Kod mes apzynōti pōrkōpam Dīva vai Bazneicas bausleibu, mes grākojam.

Vyslelōkī grāki ir četri: 1) ar nūdūmu izdareita slapkaveiba, 2) sodomīšu (natikleibas) grāks, 3) nabogu, bōriņu un atraitņu apspīšona, 4) strōdnīkim nūpeļneitōs olgas aizturēšona.

Iti grāki sauc uz dabasim pēc atrībšonas.

Preš Svātū Goru ir seši grāki: 1) kas, pasaļaudams uz Dīva žālsirdeibu, teišam grākoj, 2) kas, grāku padarejis, šaubōs, ka Dīvs jam tū pīdūs, 3) kas pretojās kaidai kris-teigōs mōceibas patīseibai, 4) kas sovu tyvōkū apskauž, tōpēc ka Dīvs tū svētejis, 5) kas parōda nūcītnōtu sirdi preš dereigom pamōceibom, 6) kas nu grākim teišam naatsagrīž.

Itūs grāku sekas parosti ir taidas, ka cylvāks mēršt ar nōveigu grāku un nūnōk eļņē.

Deveni veidi, kai mes varim kļūt cytu grāku leidzdaleibnīki:

Deveni sveši grāki – Kod mes uz ļaunim dorbim cytus cylvākus: 1) pamōcam, 2) tim pavālam, 3) tim paleidzam; Kod mes, radzādami cytus kū ļaunu dorūt: 4) tim dareit atļāunam, 5) tūs uzslavejam, 6) paskubynojam; Kod mes cytu ļaunūs dorbus: 7) nūklusejam, 8) nūslēpam; Kod mes nu cyta nataisneigi pīsavynōtu montu 9) sovā storpā izdolam.

Mums jōsasorgoj nu ikvīna grāka, jo grākojūt sōpynojām Dīvu un nūpeļnejām strōpi.

Atkōrtōdami kaidu grāku, mes īgyustam ļaunu īrodumu jeb natykumu. Bīzōk sastūpamī ļaunī cylvāku īrodumi ir septeni.

Tūs sauc – **septeni golvonī grāki: 1) lepneiba, 2) skūpums, 3) našķeisteiba, 4) skau-deiba, 5) nagauseiba (pōrmēreiga ēššona un dzeršona), 6) dusmas, 7) kūtreiba loba dareišonā.**

Napīteik vīn sorgōfīs nu ļauna, bet vēļ jōdora ari lobi dorbi. Vyspyrms jōdora Dīva un Bazneicas pavālāfī lobī dorbi.

Trejs vyslobōkī dorbi: 1) lyugšona, 2) gaveišona, 3) dōvonu dūšona tryuceigim.

Vīnkōršōkī žāļsirdeibas dorbi myusu tyvōkō dvēselei ir septeni:

1) ved grēcinīkus uz lobu ceļu, 2) pamōci

namōceitūs, 3) dūd lobu padūmu šaubeigajim, 4) iprīcynoj nūskumušūs, 5) pacīteigi panes nataisneibu, 6) lobprōt pīdūd tim, kas tevi sakaitynōjuši, 7) lyudz Dīvu par dzeivajim un myrušajim.

Vīnkōršōkī žāļsirdeibas dorbi tyvōkō mīsai:

1) paādynoj izsolkušūs, 2) padzyrdynoj izslōpušūs, 3) apgērb kailūs, 4) pījem svešinīkus sovā sātā, 5) apmeklej cītumnīkus, 7) aprūc myrušūs.

Atkōrtōdami kaidu lobu dorbu, mes īgyustam lobu īrodumu jeb tykumu. Vyssvareīgōkī ir **trejs dīvišķī tykumi: 1) Ticeiba, 2) Cereiba, 3) Mīļesteiba**. Itūs tykumus sauc par dīvišķim, jo tī sevišķā veidā myusus vīnoj ar Dīvu.

Ir arī **četri pamattykumi: 1) gudreiba, 2) taisneigums, 3) mēreneiba, 4) drūsme**. Un **septeni tykumi**, kas ir septeņu golvonūs grāku pret-stots: **1) pazameiba, 2) deveiba, 3) škei-steiba, 4) labvēleiba, 5) sōteiba, 6) lānprōteiba, 7) cīteiba uz lobim dorbim**.

Īgyudami vysod vairōk un vairōk tykumu, mes kļyustam arvīn pilņeigōki. Pastōveigai pīaugšonai pilņeibā sevišķa uzmaneiba jōpīvērš vyslobōkajai myusu tīšūs pīnōkumu izpilņdeišonai.

Vysskaistōkū myusu dīnas un dzeives programmu mums ir atstōjis Jezus Kristus **ostonōs svēteibōs:**

1) svēteigi nabadzeigī gorā, jo jim pīder dabasu vaļsteiba;

2) svēteigi lānprōteigī, jo jī īmontōs zemi;

3) svēteigi nūskumušī, jo jī tiks īprīcynōti;

4) svēteigi tī, kas izsolkuši un kam slōpst pēc taisneibas, jo jī tiks paādynōti;

5) svēteigi žāļsirdeigī, jo jī īmontōs žāļsirdeibu;

6) svēteigi sirdsšķeistī, jo jī redzēs Dīvu;

7) svēteigi mīrmīleigī, jo jī tiks saukti par Dīva bārnim;

8) svēteigi tī, kas cīš vojōšonas taisneibas dēļ, jo jim pīder dabasu vaļsteiba.

Sovim spākim vīn nav īspējams kļūt pilņeigam un īgyūt svātlaimi. Ir vajadzeiga Dīva žēlesteiba.

Gatavojūtīs grāksyudzei jōizpylda **pīcas Gondareišonas sakramenta daļas: 1) sirdsapziņas izmekleišona; 2) grāku nūžālōšona; 3) cīša apsajimšona vairs nagrākōt; 4) vaļsirdeiga atsazeišona grākūs; 5) gondareišona Dīvam un tyvōkajam.**

Vyss leidz šam saceitais ītverams **sešos pafiseibōs**, kuras vysim cylvākim jōzyna, un jōtic, ka:

- 1) ir Dīvs, kas vysu radejs, uztur un voda;
- 2) Dīvs ir vīns trejās Personās – Dīvs Tāvs, Dīvs Dāls un Dīvs Svātais Gors, un vysas trejs dīvišķās Personas kūpā sauc par Vyssvātōkū Trejadeibu;
- 3) Vyssvātōkās Trejadeibas ūtrō Persona, Dīvs Dāls, pījēme cylvāka mīsu un nūmyra par myusu grākim pi krysta;
- 4) Dīvs ir taisneigs: par lobim dorbim jis atolgoj debesīs, bet par ļaunim strōpej eļnē;
- 5) Cylvāka dvēsele ir namērsteiga;
- 6) Cylvāka pestišonai ir napīcīšama pōrdabiska paleidzeiba, t.i., Dīva žēlesteiba.

BĪŽŌK LĪTOJAMŌS LYUGŠONAS

KUNGA ENĢEĻS

Kunga enģeļs pasludynōja Jaunovai Marijai, un jei ijēme nu Svātō Gora. *Esi sveicynōta, Marija...*

Raug, es asu muna Kunga kolpyune, lai maņ nūteik pēc Tova vōrda. *Esi sveicynōta, Marija...*

Un Vōrds kliva mīsa un dzeivōja storp mums. *Esi sveicynōta, Marija...*

V.: Lyudzīs par mums, svātō Dīva Dzemdeitōja.

P.: Lai mes Kristus apsūlejumu toptu cīneigi.

Lyugsimēs: Mes Tevi lyudzam, Kungs, īlej myusu sirdīs sovu žēlesteibu, lai mes, kas enģeļa sludynōšonā asom pazynuši Kristus, Tova Dāla, cylvāktopšonu, ar Jō cīššonom un krystu tyktu īvasti augšanceļšonōs gūdeibā. Caur Jezu Kristu, myusu Kungu.

P.: Amen.

Nu Leldīnu sastdīnes leidz sastdīnei pēc Vosorassvātkim *Kunga enģeļa vītā skaita antifonu Debess Karālīne, līksmojīs, alleluja.*

DABASU KARALĪNE – REGINA CAELI

Dabasu Karalīne, līksmojīs, alleluja; Tys, kū Tu kai bārnu nesi, alleluja, augšancēlīs ir kai teicis, alleluja, lyudz Dīvu par mums, alleluja.

V.: Prīcojīs un līksmoj, Jaunova Marija, alleluja.

P.: Jo Kungs ir patīsi augšancēlīs, alleluja.

Lyugsimēs: Dīvs, Tev ir labpaticis ar sova Dāla, myusu Kunga Jezus Kristus, augšanceļšonūs īprīcynōt pasauli: mes Tevi lyudzam, ļauņ mums caur Jō Mōti, Jaunovu Mariju, īmontōt myužeigōs dzeives prīcu. Caur Jezu Kristu, myusu Kungu.

P.: Amen.

GOLDA LYUGŠONAS

Pyrms ēššonas: Svēteļ, Kungs, myusus un šōs sovas dōvonas, kū nu Tovas deveibas sajamam. Caur Kristu, myusu Kungu. Amen.

Tāvs myusu...

Pēc ēššonas: Mes pasateicom Tev, vysu-vareigais Dīvs, par vysom Tovom dōvonom. Kas dzeivoj un voldi myužeigi myužam. Amen. *Tāvs myusu...*

LYUGŠONA SVĀTAJAM GORAM

Kungs Svātais Gors lai nōk myusu sirdīs un tōs škeisteļ; Jys apslacynoj tōs ar sovu rosu

un dora tās augleigas. Caur Jezu Kristu,
myusu Kungu. Amen.

LYUGŠONA PĒC MŌCEIBAS

Mes pasateicam Tev, vysuvareigais Dīvs,
par mōceibu un vysom Tovom dōvonom.
Kas dzeivoj un voldi myužēigi myužam.
Amen.

LYUGŠONA PAR VACŌKIM

Kungs, myusu vysu Tāvs, pasorgoj mani
nu vysa, kas varātu dareit munim vacōkim
skumes. Atleidznoj jim, ak Dīvs, par vysom
labdareibom, kaidas jī maņ ir davuši; izlej pōr
jim sovu žāļsirdeibu, atļāun jim ilgi un laimeigi
tymā dzeivōt un vodi mani tai, lai es jūs
arvīn mīloju un gūdynoju. Amen.

LYUGŠONA SVĀTAJAM AIZBIĻDŅAM

Svātais Aizstōvi, kura vōrdu maņ deve
pi svātōs kristeibas, naatrauņ nu manis sovu
gōdeibu, aizstōvi mani ar sovu aizbiļdniceibu
nu vysa ļauna, lai es, Tev sekōdams,
īmontōtu ar Tevi myužēigū svātlaimi debesīs.
Amen.

**LYUGŠONAS TICEIBAS, CEREIBAS,
MĪLESTEIBAS UN NŪŽĀLAS
UZMŪDYNŌŠONAI**

Ticeibas: Muns Kungs un Dīvs! Es tycu vysam, kū Tu esi pasludynōjis un caur sovu svātū Bazneicu ticēt pavēlējis, jo Tu esi myužeigō un eistō patiseiba.

Cereibas: Muns Dīvs un Kungs! Es cereju sajimt nu Tevis vajadzeigū žāļsirdeibu, sovu grāku pīdūšonai un myužeigu svātlaimi, jo Tu tū vysu esi apsūlejis.

Mīlesteibas: Muns Dīvs un Kungs! Es mīļuju Tevi nu vysas sirds, vairōk nakai vysu cytu, jo Tu esi maņ tik daudz loba dariejis. Mīlesteibā uz Tevi es mīļuju ari sovu tyvōkū kai sevi pošu.

Grāku nūžālōšonas uzmūdynōšonai: Es nūžāloju nu vysas sirds, ka asu Tevi, sovu Dīvu, vysumeilū dabasu Tāvu, vysaugstōkū lobumu, daudz kōrt sōpynōjis. Es cīši apsajamu sorgōtis nu vysim grākim, sevišķi nu sova ļaunō īrōduma grāka, kai ari ryupeigi sorgōtis nu kotras izdeveibas grākōt. Styprynoņ ar Sovu žēlesteibu itū munu apsajimšonu un naļaun maņ krist grākā.

EISS KATEHISMS

ĪVODS

1. Kōpēc mes dzeivojam vērs zemes?

Mes dzeivojam vērs zemes, lai, pyldūt Dīva grybu, nūnōktu debesīs.

2. Kas mums jōdora, lai izpiļdeitu Dīva grybu?

Lai mes izpiļdeitu Dīva grybu, mums 1) jōtic Dīvam; 2) jōpylda Jō bausleibas; 3) jōpījem svāfī sakramenti un jōsalyudz. Tys nūzeimej: Dīvs jōpazeist, jōmīļoj un jōgūdynoj.

I TICEIBA

3. Kū nūzeimej – ticēt?

Ticēt – nūzeimej par patīseibu atzeit vysu, kū Dīvs ir atklōjis.

4. Kaidas ir svareigōkōs ticeibas patīseibas?

Svareigōkōs ticeibas patīseibas ir: 1) Dīvs ir vīns trejos personōs – Dīvs Tāvs, Dīvs Dāls un Dīvs Svātais Gors; 2) Ūtra Vyssvātōkōs Trejadeibas Persona, Dīvs Dāls, ir klivis cylvāks un nūmiris myusu pesteišonas dēļ pi krysta;

3) Dīvs ir taisneigs: par lobim dorbim dūd debesis, par ļaunim – strōpej ar eļņi; 4) Cylvāka dvēsele namērst; 5) Dīva žēlesteiba ir napīcīšami vajadzeiga cylvāka pesteišonai.

5. Kur plašōk ir sakūpōtas ticeibas patīseibas?

Ticeibas patīseibas plašōk ir sakūpōtas apostolu ticeibas aplīcynōjumā *Es tycu...*

DĪVS

6. Kas ir Dīvs?

Dīvs ir debess un zemes Radeitōjs.

7. Vai Dīvam ir īsōkums?

Dīvam nav ni īsōkuma, ni gola, jo Dīvs ir myužēigs.

8. Kur ir Dīvs?

Dīvs ir vysur: debesīs, vērs zemes un ikvīnā vītā.

9. Kōpēc mes Dīvu naredzim, jo Jys ir vysur?

Mes Dīvu naredzim, jo Jys ir Gors un Jam nav mīsas.

10. Vai Dīvs myusus redz?

Dīvs redz myusus un vysus myusu dorbus, dzērd myusu vōrdus un zyna vysas myusu dūmas.

11. Vai ir vairōki Dīvi?

Ir tikai vīns Dīvs trejōs Personōs.

12. Kai sauc šōs trejs dīviškōs Personas?

Šīs trejs dīvišķās Personas sauc: Dīvs Tāvs, Dīvs Dāls un Dīvs Svātais Gors.

13. Vai katra dīvišķā Persona ir eists Dīvs?

Katra dīvišķā persona ir eists un patīss Dīvs.

14. Kai sauc visas dīvišķās Personas kūpā?

Vysas trejs dīvišķās Personas kūpā sauc par Vyssvātū Trejadeibu.

DĪVS TĀVS – RADEITŌJS

15. Kōpēc mes saucam Dīvu par debess un zemes Radeitōju?

Mes saucam Dīvu par dabasu un zemes Radeitōju, jo Jys ir radejjs dabasus un zemi.

16. Kū nūzeimōj vōrds «radeit»?

Vōrds «radeit» nūzeimōj veidōt kaidu lītu nu nikō.

17. Kai Dīvs radeja pasauli?

Dīvs radeja pasauli ar vīnu Sovu vys-svareigōkū vōrdu: «Lai nūteik!»

18. Vai pasaulē kas nūteik bez Dīva grybas?

Pasaulē nikas nanūteik bez Dīva grybas.

ENĢEĻI

19. Vai Dīvs radeja tikai radzamū pasauli?

Dīvs radeja arī lelu dadzumu naradzamu enģeļu.

20. Kas ir eņģeļs?

Eņģeļs ir gors, kuram ir prāts un vaļa, bet nav mīsas.

21. Kōpēc Dīvs radeja eņģeļus?

Dīvs radeja eņģeļus, lai tī Jam kolpōtu.

22. Kaidi beja eņģeļi, kod Dīvs tūs radeja?

Kod Dīvs radeja eņģeļus, tī beja lobi, svāti un laimeigi.

23. Vai vysi eņģeļi palyka vysod lobi, svāti un laimeigi?

Na vysi eņģeļi palyka vysod lobi, svāti un laimeigi; daudzi sagrākōja un Dīvs tūs strōpeja ar eļni.

24. Kai sauc ļaunūs eņģeļus?

Ļaunūs eņģeļus sauc par valnim jeb ļaunajim gorim.

25. Kas ir pyrmais grēcinīks?

Pyrmais grēcinīks jeb Dīva vaļas pōrkōpējs ir ļaunais gors.

26. Vai ļaunais gors dora cylvākim ļaunu?

Ļaunais gors mudynoj cylvāku uz grāku.

27. Vai lobī eņģeļi dora mums lobu?

Lobī eņģeļi sorgoj myusus nu nalaimes, mudynoj myusus uz lobu un lyudz par mums Dīvu.

28. Kai sauc eņģeļi, kas myusus sorgoj?

Eņģeļi, kas myusus sorgoj, sauc par sorgēņģi.

CYLVĀKI

29. Kas ir cylvāks?

Cylvāks ir Dīva radeiba, kas sastāv no dvēseles un mīsas.

30. Kai Dīvs radeja cylvāka mīsu?

Dīvs radeja cylvāka mīsu no zemes.

31. Kai Dīvs radeja cylvāka dvēseli?

Dīvs ģdvese cylvāka mīsā namērsteigu goru.

32. Kas ir cylvāka dvēsele?

Cylvāka dvēsele ir namērsteigs gors, apdōvynōts ar prōtu un breivu vaļu.

33. Vai cylvāka mīsa mērst?

Cylvāka mīsa mērst.

34. Vai cylvāka dvēsele mērst?

Cylvāka dvēsele nikod namērst.

35. Kas beja pyrmī cylvāki?

Pyrmī cylvāki beja Odums un Īva. Nu jim ir cālušīs vysi cylvāki.

36. Kaidi beja pyrmī cylvāki, kod Dīvs jūs radeja?

Kod Dīvs radeja pyrmūs cylvākus, tī beja lobi, svāti un laimeigi.

37. Kur Dīvs nūmytynōja pyrmūs cylvākus?

Dīvs pyrmūs cylvākus nūmytynōja paradīzes dōrzā.

38. Vai Dīvs atļōve Odumam un Īvai ēst augļus nu vysim paradīzes dōrza kūkim?

Dīvs atļōve Odumam un Īvai ēst augļus nu vysim kūkim, tikai nu ļauna un loba pazeišonas kūka aizlīdze ēst augļus.

39. Vai Odums un Īva palyka Dīvam paklauseigi?

Odums un Īva napalyka Dīvam paklauseigi: jī sagrākōja, pōrkōpūt Dīva aizlīgumu.

40. Kaidis beja pyrmūs cylvāku grāks?

Pyrmī cylvāki ēde augli nu aizlīgtō kūka.

41. Vai Dīvs nūstrōpēja pyrmūs cylvākus par Jō vaļas pōrkōpšonu?

Dīvs nūstrōpēja pyrmūs cylvāku dvēseli un mīsu.

42. Kai Dīvs nūstrōpēja pyrmūs cylvāku dvēseli?

Dīvs atjēme pyrmajim cylvākim žēlesteibu un fīseibas uz dabasu vaļsteibu.

43. Kai Dīvs nūstrōpēja pyrmūs cylvāku mīsu?

Dīvs nūstrōpēja pyrmūs cylvāku mīsu ar gryuteibom, slimeibom un nōvi un padzyna jūs nu paradīzes.

44. Kū mes montōjuši nu Oduma un Īvas?

Nu Oduma un Īvas mes asom montōjuši grāku un strōpi par grāku.

45. Kai sauc grāku, kū mes asom montōjuši no Oduma un Īvas?

Grāku, kū mes asom montōjuši nu Oduma un Īvas, sauc par īdzyntū grāku.

46. Kōpēc šū grāku mes saucam par īdzyntū grāku?

Mes saucam tū par īdzyntū grāku, jo tys pōrīt uz myusim vysim.

47. Kas vīneigais nav montōjis īdzyntū grāku?

Vīneigi Dīvmōte nav montōjuse īdzyntū grāku.

48. Kas byutu nūticis ar cylvāku, jo Dīvs nabyutu apsažālōjis par jū pēc grākā krisšonas?

Jo Dīvs nabyutu apsažālōjis, mes vysī byutu myužeigi pazudynōti.

49. Kaidu žēlesteibu Dīvs parōdēja cylvākim?

Dīvs apsūleja jau pyrmajim cylvākim Pesteitōju.

DĪVS DĀLS – PESTEITŌJS

50. Kai sauc apsūleitū Pesteitōju?

Apsūleitū Pesteitōju sauc Jezus Kristus.

51. Kas ir Jezus Kristus?

Jezus Kristus ir vīnpīdzymušais Dīva Dāls, kas myusu pesteišonas dēļ ir klivis cylvāks.

52. Tagad Kungs Jezus ir Dīvs vai cylvāks?

Kungs Jezus tagad ir eists Dīvs un eists Cylvāks.

53. Vai Kungam Jezum kai Dīvam nikod nabeja īsōkuma, bet kai cylvākam beja īsōkums?

Kungam Jezum kai Dīvam nikod nabeja īsōkuma, bet kai cylvākam beja īsōkums.

54. Kod Dīva Dāls kliva Cylvāks?

Dīva Dāls kliva Cylvāks, kod pījēme mīsu nu Jaunovas Marijas.

55. Kas ir Jezus tāvs?

Jezus tāvs ir Dīvs Tāvs.

56. Kas ir Jezus mōte?

Jezus mōte ir Vyssvātōkō Jaunova Marija.

57. Kas beja svātais Jezups?

Svātais Jezups beja Vyssvātōkōs Jaunovas Marijas leigavaiņš un apgōdnīks.

58. Kur pīdzyma Kungs Jezus?

Kungs Jezus pīdzyma Betlēmes mīstā, nabadzeigā staleiī.

59. Kas pyrmais atnōce pagūdynōt pīdzymušū Kungu Jezu?

Kai pyrmi Kunga Jezus gūdynōtōji atsasteidze ganeni, kuri natōli nu Betlēmes ganeja lūpus, pēc jim atnōce trejs kēneni nu Austrumu zemem.

60. Kod mes svynam Kunga Jezus dzimšonas dīnu?

Kunga Jezus dzimšonas dīnu mes svynam Zīmassvātkūs 25. decembrī.

61. Kur dzeivēja Svātō Gimene?

Svātō Gimene dzeivēja Nacaretēs piļsēteņā.

62. Kū dareja Kungs Jezus, kod jam beja 30 godu?

Kod Kungam Jezum beja 30 godu, Jis nu svātō Jōņa Kristeitōja Jordānas upē pījēme kristeibu.

63. Kū vēļ dareja Kungs Jezus, dzeivojūt vērs zemes?

Kungs Jezus mōcēja ļaudis, atlaide jim grākus un dareja daudz breinumdorbu.

64. Kas Kungam Jezum paleidzāja sludynōt Evangeliju?

Apostoli paleidzāja Kungam Jezum sludynōt Evangeliju.

65. Cik Kungam Jezum beja apostolu?

Kungam Jezum beja 12 apostolu.

66. Vai vysim cylvākim patyka Pesteitōja mōceiba?

Peteitōja mōceiba lobim cylvākim patyka, bet ļaunim napatyka.

67. Kōpēc Pesteitōja mōceiba napatyka ļaunim cylvākim?

Pesteitōja mōceiba napatyka ļaunim cylvākim, jo Pesteitōjs pōrmete jim jūs ļaunūs dorbus.

68. Kū izdareja ļaunī cylvāki, kas nāiredzēja Kungu Jezu?

Ļaunī cylvāki, kas naīredzēja Kungu Jezu, Jū nūgalynōja.

69. Kū izcīte Kungs Jezus?

Kungs Jezus tyka izsmīts, systs, šausteits, ērškim vainagōts un nūmyra pi krysta.

70. Kas nūfīsōja Kungu Jezu uz krysta nōvi?

Kungu Jezu uz krysta nōvi nūfīsōja Poncijs Pilats, Romas keizara pōrvaļdnīks.

71. Kur Pesteitōjs tyka pīnoglōts pi krysta?

Pesteitōjs tyka pīnoglōts pi krysta uz Kaļvarejas jeb Golgatas kolna, natōli nu Jeruzalemes piļstātas.

72. Vai Kungs Jezus cīte un myra pīspīdu kōrtā?

Kungs Jezus napīspīsts breivprōteigi cīta un myra.

73. Kōpēc Kungs Jezus gribēja cīst un mērt?

Kungs Jezus gribēja cīst un mērt, lai mysus atpesteitu nu grākim un nu eļnes.

74. Kas nūtyka ar Kunga Jezus mīsu pēc nōves?

Pēc nōves Kunga Jezus mīsa tyka nūjimta nu krysta un apglobōta.

75. Kur palyka Pesteitōja dvēsele?

Pesteitōja dvēsele nūgōja uz pīrkšeļni, lai vēsteitu taisneigū myrušū dvēselem, ka Jys tōs dreīži aizvess uz dabasim.

76. Kod mes svētejam Kunga Jezus cīššonu dīnu?

Kunga Jezus cīššonu dīnu mes svētejam Lelajā Pīktdīne.

77. Kas nūtyka trešajā dīnā pēc Pesteitōja nōves?

Trešajā dīnā pēc Pesteitōja nōves Jō dvēsele atsagrīze sovā mīsā un Jys augšancēlēs nu myrūnim.

78. Kod mes svynam Kunga Jezus Augšanceļšonōs svātklus?

Kunga Jezus Augšanceļšonōs svātklus mes svynam Leldīnā.

79. Kū dareja Kungs Jezus pēc augšon- ceļšonōs nu myrūnim?

Kungs Jezus, augšancēlīs nu myrūnim, daudzas reizes pasarōdēja apostolim un pavēlēja Sovu mōceibu – Evangeliju – sludy-
nōt vysim cylvākim un daleit svātūs sakrametnus.

80. Kū dareja Pesteitōjs četrudasmytajā dīnā pēc augšanceļšonōs nu myrūnim?

Četrudasmytajā dīnā pēc sovas augšan-
ceļšonōs Pesteitōjs uzķōpe debesīs.

81. Vai Pesteitōjs vīns pats uzķōpe debe- sīs?

Pesteitōjs, uzķōpūt debesīs, aizvede sev leidza nu pīrkšeļnes vysu taisneigū, pyrms Pesteitōja nōves myrušū cylvāku dvēseles.

82. Kū dora Kungs Jezus debesīs?

Kungs Jezus, kai Dīvs un Cylvāks, debesīs volda ar Dīvu Tāvu un Svātū Goru un par mums aizbyldynoj.

83. Vai Pesteitōjs vairs nikod naatnōks nu debesim vērs zemes?

Pesteitōjs atnōks nu debesim vērs zemes šōs pasaules beigōs fīsōt cylvākus.

DĪVS SVĀTAIS GORS – SVĀTDAREITŌJS

84. Kū Pesteitōjs apsūleja atsyuteit apostolim, atsagrīzdams debesīs?

Atsagrīzdams debesīs, Pesteitōjs apsūleja apostolim Svātū Goru.

85. Kod Pesteitōjs Sovu sūlejumu izpiļdeja?

Sovu sūlejumu Pesteitōjs izpiļdeja dasmytajā dīnā pēc debesīs kōpšonas.

86. Kaidi svātki atgōdynoj mums Svātō Gora atsyuteišonas dīnu?

Svātō Gora atsyuteišonas dīnu mums atgōdynoj Vosorassvātki.

87. Kū dareja apostoli, sajēmuši Svātū Goru?

Apostoli, sajēmuši Svātū Goru, izkleida uz vysom pusem, sludynōja Kristus mōceibu un ticeigūs kristeja.

88. Kai tyka nūsaukti tī, kas pījēme Kristus mōceibu un kristeibu?

Tūs, kas pījēme Kristus mōceibu un kristeibu, sauce par kristīšim.

89. Kai sauc kristeigū kūpas?

Kristeigū kūpas sauc par draudzem.

90. Kas izveidōja pyrmōs kriseigū draudzes?

Pyrmōs kristeigū draudzes izveidōja poši apostoli.

91. Kas beja augstōkais vysu kristeigū gons?

Augstōkais vysu kristeigū gons beja apostols Pīters.

92. Kas svātū Pīteri īcēle par augstōkū vysu kristeigū gonu?

Par augstōkū vysu kristeigū gonu Pīteri īcēle pats Kristus.

93. Kas pēc svātō Pītera nōves klīva par jō pēcnōcēju?

Pēc svātō Pītera nōves par jō pēcnōcēju klīva Romas veiskups, kū sauc par Svātū tāvu jeb pāvestu.

94. Kas ir cytu apostolu pēcnōcēji?

Cytu apostolu pēcnōcēji ir veiskupi.

95. Kas ir veiskupu paleigi?

Veiskupu paleigi ir prīsteri, kas dorbjās draudzēs.

96. Kū sastōda pavests, veiskupi, prīsteri un vysī eistī kristeigī?

Pāvests, veiskupi, prīsteri un vysi eisī kristeigī sastōda vyspōreigū katōļu Bazneicu.

97. Kas ir svātō katōļu Bazneica?

Svātō katōļu Bazneica ir kristeigūs savīneiba, kas atzeist vīnu ticeibu, pījam vīnus un tūs pošus svātūs sakramentus un atsarūn Svātō tāva vadeibā.

98. Kas dybynōja svātū katōļu Bazneicu?

Svātū katōļu Bazneicu dybynōja pats Kungs Jezus Kristus.

99. Cik bazneicu dybynōja Kungs Jezus?

Kungs Jezus dybynōja tikai vīnu vīneigu svātū katōļu Bazneicu.

100. Kōpēc Kristus dybynōja svātū katōļu Bazneicu?

Kristus dybynōja svātū katōļu Bazneicu, lai tei vastu cylvākus uz pesteišonu.

101. Kai Bazneica vad cylvākus uz pesteišonu?

Bazneica vad cylvākus uz pesteišonu, sludynojūt jim Kristus mōceibu un daleidama svātūs sakramentus.

102. Kas mums jōdora, lai Bazneica varātu myusus aizvest uz dabasim?

Lai Bazneica varātu myusus aizvest uz dabasim, ticeibas lītōs myusim jōklausa tōs goreigō vadeiba: pāvests, veiskupi un prīsteri.

103. Vai pi Kristus dybynōtōs katōļu Bazneicas pīdar tikai katōli, kas dzeivoj vērs zemes?

Pi Krystus dybynōtōs katōļu Bazneicas pīdar na tikai katōli, kas dzeivoj vērs zemes, bet ari dvēseles, kas cīš šķeisteitovā, un svātī, kas līksmojās debesīs.

104. Kas vīnoj myusus ar dvēselem šķeisteitovā un svātajim debesīs?

Ar dvēselem šķeisteitovā un svātajim debesīs myusus vīnoj Svātū sadraudzeiba.

105. Kod mes draudzejamēs ar svātajim debesīs?

Ar svātajim debesīs, mes draudzejamēs, kod pīsaucam svātūs, bet svātī lyudzās par myusim.

106. Kod mes draudzejamēs ar dvēselem šķeisteitovā?

Ar dvēselem šķeisteitovā mes draudzejamās, kod ar sovom lyugšonom mozynojam jūs cīššonas.

107. Kur mes varim sajimt grāku pīdūšonu un strōpes atceļšonu par tim?

Grāku pīdūšonu un strōpes atceļšonu par tim mes varim sajimt bazneicā, jo patīsi nūžālojam un pyldom atfīceīgūs tōs nūteikumus.

PĀDEJŌS LĪTAS

108. Ar kŭ beidzās cylvāka dzeive vĕrs zemes?

Cylvāka dzeive vĕrs zemes beidzās ar nōvi.

109. Kas ir nōve?

Nōve ir dvēseles atsaškēršona nu mīsas.

110. Kas nūteik ar cylvāka dvēseli pĕc nōves?

Cylvāka dvēsele pĕc nōves tyulenĵ stōjās Dīva fīsas pīkšā.

111. Kur dvēsele nūkļjust pĕc Dīva fīsas?

Pĕc Dīva fīsas dvēsele nūkļjust vai debesīs, vai šķeisteitovā, vai eļņē.

112. Kaidas dvēseles nūkļjust debesīs?

Debesīs nūkļjust dvēseles, kuras pĕc kristeibas nimoz nav grākojušas vai par sovīm grākīm Dīva taisneibai piļņeigi gondarejušas.

113. Kaidas dvēseles nūkļjust šķeisteitovā?

Šķeisteitovā nūkļjust dvēseles, kuras šķirās nu šōs pasaules ar ikdānišķīm grākīm vai pĕc lobas grāksyudzes nav piļņeigi gondarejušas Dīva taisneibai.

114. Kaidas dvēseles nūkļjust eļņē?

Eļņē nūkļjust dvēseles, kuras šķiras nu šō pasaulĵa ar naatlaistu nōveigu grāku.

115. Vai dabasu pīcai byus gols?

Pīcai debesīs nikod nabyus gola.

116. Vai cīsšonom šķeisteitovā byus gols?

Cīššonom škeisteitovā byus gols, kod cylvāks jau piļneigi byus gondarejis Dīva taisneibai.

117. Vai mūkom eļņē byus gols?

Mūkom eļņē myužam nabyus gola.

118. Kas nūteik ar cylvāka mīsu pēc nōves?

Pēc nōves cylvāka mīsa teik apglobōta zemē, kur tei satryud.

119. Vai cylvāka mīsa nikod vairs nakļjus dzeiva?

Cylvāka mīsu šōs pasaules beigōs Dīva vara otkon savīnos ar dvēseli, un cylvāks ceļsīs nu myrūnim.

120. Kōpēc cylvāka mīsa ceļsīs nu myrūnim?

Cylvāka mīsa ceļsīs nu myrūnim, lai kūpā ar dvēseli sajimtu olgu par lobim dorbim vai strōpi par ļaunim.

121. Kur īs cylvāki, augšancālušīs nu myrūnim?

Cylvāki, augšancālušīs nu myrūnim, īs uz Postora jeb vyspōrejū fīsu.

122. Kaidu Kristus sprīdumu dzērdēs grēcinīki Postora fīsā?

Grēcinīki Postora fīsā dzērdēs taidu Kristus sprīdumu: «Ejit nūst nu manis, nūlōdāfī, myužeigajā gunī, kas sagatavōta ļaunajam goram.»

123. Un kaidu Kristus sprīdumu dzērdēs lobī

cylvāki?

Lobī cylvāki dzērdēs taidu Kristus spīdumu:
«Nōcit šurp, jyus svēteifī, īmontojit jums nu
pasaules sōkuma sagatavōtū vajsteibu.»

124. Vai cylvāki, augšancālušīs nu myrūnim, vēļ kaidreiz mērs?

Cylvāki, augšancālušīs nu myrūnim, vairs
nikod namērs, bet myužam dzeivōs: taisneigi
debesīs, nūlōdāfī – eļnē.

II BAUSLEIBAS

125. Vai pīteik vīneigi ticēt, lai mes nūkļyutu debesīs?

Lai nūkļyutu debesīs, napīteik vīneigi ticēt,
bet jōivāroj bausleibas.

126. Kaidas ir vysvareigōkōs bausleibas?

Vysvareigōkōs bausleibas ir:

*Tev byus Dīvu, sovu Kungu, mīļōt nu vysas
sovas sirds, nu vysas sovas dvēseles, nu vysa
sova prōta un nu vysa sova spāka.*

Tev byus sovu tyvōkū mīļōt kai sevi pošu.

127. Kod mes mīļojam Dīvu vysim spākim?

Dīvu mes mīļojam vysim spākim, kod
lobprōt pyldom Jō bausleibas.

128. Kas ir myusu tyvōkais?

Myusu tyvōkais ir ikvīns cylvāks – vai draugs,
vai īnaidnīks.

129. Kod mes mīļojam tyvōkū kai sevi pošu?

Tyvōkū mes mīļojam kai sevi pošu, kod cytim dorom tū, kū gribim, kai cyti mums dareitu; un cytim nadoram tū, kū nagribim, lai cyti mums dareitu.

DESMIT DĪVA BAUSLEIBAS

130. Cik ir Dīva bausleibu?

Dīva bausleibas ir desmit.

131. Kōpēc mes saucam tōs par Dīva bausleibom?

Par Dīva bausleibom mes saucam tōs tōpēc, ka pats Dīvs tōs deve Mozum uz Sinaja kolna.

1. «TEV NABYUS CYTUS DĪVUS TURĒT LEIDZ AR MANI»

132. Kū mums pīsoka pyrmō Dīva bausleiba?

Pyrmō Dīva bausleiba mums pīsoka gūdynōt vīnu pafisū Dīvu, dabasu un zemes Radeitōju.

133. Kū Dīvs mums aizlīdz ar pyrmū bausleibu?

Ar pyrmū bausleibu Dīvs mums aizlīdz kolpōt elkim, ticēt sapnim, gaišregim, pyušļōtōjim, burvesteibom.

134. Kas ir elki?

Elki ir radeitas lītas, kuras cylvāki pīleidznoj

Dīvam.

135. Kai mes saucam taidus cylvākus, kuri kolpoj elkim?

Taidus cylvākus, kuri kolpoj elkim, mes saucam par pogōnim.

136. Vai ir vairōki patīsi dīvi?

Ir tikai vīns vīneigs patīss Dīvs.

137. Cik ir eistu ticeibu?

Kai eistais Dīvs ir tikai vīns, tai ari eista ticeiba ir tikai vīna.

138. Kura ir eistō, Kunga Jezus īrōdeitō, ticeiba?

Eistō, Kunga Jezus īrōdeitō, ticeiba ir katōļu ticeiba.

139. Kōpēc mēs gūdnojam svātūs?

Mes gūdnojam svātūs, jo jī ir Dīva draugi.

140. Kai mes gūdnojam svātūs?

Svātūs mes gūdnojam, kod sekojam jūs priķšzeimei un lyudzam jūs aizlyugumu.

141. Vai jōgūdnojoj svātūs relikvijas un gleznas?

Svātūs relikvijas un gleznas jōgūdnojoj, jo tōs atgōdnojoj mums svātūs pošus.

2. «TEV NABYUS DĪVA, TOVA KUNGA
VŌRDU NALĪTEIGI VOLKŌT»

142. Kū Dīvs mums aizlīdz ar ūtrū bausleibu?

Ar ūtrū bausleibu Dīvs mums aizlīdz bez

vajadzības Dīva vārdu minēt, zaimot un napařisi zvērēt.

143. Kas ir Dīvu zaimot?

Dīvu zaimot ir napīklōjeigi runot par Dīvu, Dīva Mōti un Jō svātajim.

144. Kas ir zvērēt?

Zvērēt ir Dīvu saukt par līcinīku, ka mes sokom taisneibu.

145. Vai dreikst zvērēt?

Zvērēt dreikst tikai taisneigā un svareigā lītā.

146. Vai tys, kas zvērej nataisneigā lītā, izdora lelu grāku?

Kas nataisneigā lītā zvērej, izdora lelu, nōveigu grāku.

147. Kū Dīvs mums pavēlej ūtrajā bausleibā?

Ūtrajā bausleibā Dīvs mums pavēlej gūdynot Jō vārdu.

3. «TEV BYUS SVĒTEJAMŌS DĪNAS
SVĒTEIT»

148. Kū Dīvs mums pavēlej trešajā bausleibā?

Trešajā bausleibā Dīvs mums pavēlej svēteit svātdīnu.

149. Kū aizlīdz Dīva bausleiba?

Trešō Dīva bausleiba aizlīdz svātdīnōs strōdōt grytus dorbis.

150. Vai tys, kas bez vajadzeibas svātdīnōs strōdoj gryutu dorbu, izdora grāku?

Kas svātdīnōs bez vajadzeibas un ilgōku laiku strōdoj gryutu dorbu, tys nōveigi grākoj.

4. «TEV BYUS GŪDYNŌT SOVU TĀVU
UN SOVU MŌTI»

151. Kū Dīvs pavēlej caturtajā bausleibā?

Caturtajā bausleibā Dīvs pavēlej mums sovus vacōkus gūdynōt, mīļōt un tim paklauseit.

152. Kod bārni gūdynoj sovus vacōkus?

Bārni gūdynoj sovus vacōkus, kod jūs mīļoj, jūs klausā, vacumdīnōs jim paleidz un jūs baroj.

153. Vai vysod jōklausā vacōki?

Vacōki jōklausā, kod jī mōca lobu.

154. Kod vacōki mōca zagt, dzert vai dareit kaidu cytu ļaunu dorbu, vai jim ir jōklausā?

Jo vacōki mōca ļaunu, nikod nadreikst jūs klauseit.

155. Kū vēļ caturtō bausleiba pavēlej gūdynōt un klauseit?

Caturtō bausleiba vēļ pavēlej gūdynōt un klauseit prīsterus, goreigū un laiceigū prīkšņīceibu.

156. Kū Dīvs apsūla bārnim, kuri pylda itū bausleibu?

Dīvs lobim bārnim apsūla laimeigu un ilgu

dzeivi vērs zemes.

157. Kū vēļ pavēlej caturtō bausleiba?

Caturtō bausleiba pavēlej kolpōtōjim klauseit sovus dorba devējus, jim vēlē un dareit lobu.

158. Kaidis ir dorba devēju pīnōkums?

Dorba devēju pīnōkums ir ryupētīs par savu kolpōtōju labklōjeibu, jūs dīvbejeigū dzeivi un jim taisneigi moksōt olgu.

5. «TEV NABYUS NŪKAUT»

159. Kū Dīvs mums aizlīdz ar pīktū bausleibu?

Ar pīktū bausleibu Dīvs aizlīdz atjimt cylvākam dzeiveibu.

160. Vai savu īnainīku dreikst nūgalynōt?

Pat vyslelōkū īnainīku nadreikst nūgalynōt.

161. Vai dreikst cylvāku sist un jū īvainōt?

Cylvāku sist un jū īvainōt nadreikst.

162. Kū vēļ aizlīdz pīktō Dīva bausleiba?

Pīktō bausleiba aizlīdz uz tyvōkū dusmōfīs, jū lōdēt un dareit kū ļaunu jō mīsai un dvēselei.

163. Vai ir lels grāks sev un cytim būjōt veseleibu?

Ir lels grāks būjōt sev un cytim veseleibu.

6. «TEV NABYUS LAULEIBU PŌRKŌPT»

164. Kū Dīvs aizlīdz sastajā bausleibā?

Sastajā bausleibā Dīvs aizlīdz nakauneigi dareit, runōt, jūkōt un dzīdōt.

165. Kas jōdora, lai izasorgōtu nu nakauneigim dorbim, runom, jūkim, dzīsmem?

Grybūt izasorgōt nu nakauneigim dorbim, vōrdim, jūkim, dzīsmem, jōatsacer, ka Dīvs vysu redz, vysu dzērd, un nadreikst draudzēfīs ar natiklim.

7. «TEV NABYUS ZAGT»

166. Kas ir zaglis?

Zaglis ir tys, kas bez atļaušonas slapyn pajam sev svešu montu.

167. Vai ir grāks cylvāku pīkrōpt – pōrdūdūt, pērkūt un mainūt?

Pīkrōpt cytu pōrdūdūt, pērkūt vai mainūt, ir taidš pats grāks kai zagšona.

168. Vai dreikst sev paturēt nūzogtu lītu?

Nūzogtu lītu paturēt nadreikst, tei jōatdūd tam, kam tei pīdar.

169. Vai dreikst dareit cylvākam zaudējumus?

Nadreikst dareit cylvākam kaidu zaudējumu.

170. Kas jōdora tam, kas nūzadzis vai tyvōkajam nūdarejis zaudējumu?

Tam, kas nūzadzis, vai tyvōkajam nūdarejis zaudējumu, zaudējumu vajag atleidzynōt un

zogtū lītu atdūt.

171. Kū aizlīdz septeitō Dīva bausleiba?

Septeitō bausleiba aizlīdz zagšonu un nataisneigu tyvōkō montas paturēšonu.

172. Kas jōdora ar atrostu lītu?

Atrosta līta jōatdūd īpašnīkam, jo jis ir zynoms.

8. «TEV NABYUS NAPATĪSU LĪCEIBU DŪT
PRET SOVU TYVŌKŪ»

173. Kū mums aizlīdz ostoitō Dīva bausleiba?

Ostoitō Dīva bausleiba aizlīdz nataisneigu līceibu, malōšonu, aprunōšonu un gūda laupeišonu.

174. Kas ir aprunōt?

Aprunōt ir bez vajadzeibas stōsteit cytim par tyvōkō padareitajim ļaunajim dorbim un vōjeibom.

175. Kas ir gūdu laupeit?

Gūdu laupeit ir par tyvōkū stōsteit taidus ļaunus dorbus, kurus jis nav darejis.

176. Kas jōdora tam, kas tyvōkū aprunōjis vai jam gūdu laupejis?

Kas tyvōkū aprunōjis vai jam gūdu nūlaupejis, tam jōizloboj tyvōkajam nūdareitō pōresteiba.

9. «TEV NABYUS ĪKĒRĒT
SOVA TYVĒKĒ SĪVU»

177. Kū Dīvs aizlīdz deveitajā bausleibā?

Deveitajā bausleibā Dīvs aizlīdz nakauneigi gribēt, pat dūmōt?

178. Kōpēc Dīvs aizlīdz nakauneigas īgrybas un dūmas?

Dīvs aizlīdz nakauneigas īgrybas un dūmas, lai mes byutu škeisti na tikai ōreigi, bet ari tīškeigi.

179. Vai nateiši rodušōs īgrybas un dūmas nav grāks?

Nateiši rodušōs īgrybas un dūmas nav grāks, komer mes tom napīkreitam.

10. «TEV NABYUS ĪKĒRĒT NIVĪNU LĪTU,
KAS PĪDAR TOVAM TYVĒKAJAM»

180. Kū Dīvs aizlīdz dasmytajā bausleibā?

Dasmytajā bausleibā Dīvs aizlīdz īkērēt svešu montu.

181. Kas jōdora, lai slimeibā vai vacumdīnōs nanūnōktu tryukumā?

Lai slimeibā vai vacumdīnōs nanūnōktu tryukumā, čakli jōstrōdoj un jōtaupa jau jauneibā, cikom asom vasali.

PĪCAS BAZNEICAS BAUSLEIBAS

182. Cik ir bazneicas bausleibu?

Bazneicas bausleibas ir pīcas.

183. Kōpēc mes tōs saucam par Bazneicas bausleibom?

Par Bazneicas bausleibom mes tōs saucom tōpēc, ka tōs ir devuse svātō katōļu Bazneica.

184. Kas deve Bazneicai varu dūt bausleibas?

Varu dūt bausleibas Bazneica ir sajāmuse nu Kristus.

1. «TEV BYUS SVĀTDĪNŌS UN SVĀTKU DĪNŌS
CĪNEIGI PĪSADALEIT SVĀTAJĀ MISĒ
UN ATSATURĒT NU SMOGIM DORBIM»

185. Kū mums pavēlej pyrmō Bazneicas bausleiba?

Pyrmō Bazneicas bausleiba mums pavēlej svātku dīnas svēteit taipat kai svātdīnas.

186. Kaidis lobs dorbs svātdīnōs un svātkūs mums nūteikti jōdora?

Svātdīnōs un svātkūs mums jōit uz bazneicu un tī dīvbijeigi jōpīsadola svātajā Misē.

187. Kam svātdīnōs un svātku dīnōs jōit uz bazneicu un tī dīvbijeigi jōpīsadola svātajā Misē?

Ikviņam katōļam, kas sasnēdzis ostitū dzeives godu, svātdīnōs un svātku dīnōs jōit uz bazneicu un tur dīvbijeigi jōpīsadola svātajā Misē.

188. Kas var napīsadaleit svātajā Misē svātdīnīs un svātkūs?

Svātajā Misē svātdīnīs un svātkūs var napīsadaleit tys, kas slymoj, pīskota mōjas, bārnuš vai kaida cyta svareiga tīmešļa dēļ navar atnōkt uz bazneicu.

2. «TEV BYUS BAZNEICAS NŪTEIKTŌS
DĪNŌS ATŠATURĒT NU GAĻAS ĒDĪNĪM
UN GAVEJAMŌS DĪNŌS GAVĒT»

189. Kū Bazneica pavēlej ūtrajā bausleibā?

Ūtrajā bausleibā Bazneica pavēlej nūteiktōs dīnīs atšaturēt nu gaļas ēdīnim un gavēt.

190. Kōpēc Bazneica tū pavēlej?

Bazneica tū pavēlej tōpēc, lai mes vīglōk savaļdeitu sovas ļaunōs tīgrybas un gondareitu par sovim grākim.

191. Kam jōgavej Bazneicas nūlyktajīs dīnīs?

Bazneicas nūlyktajīs dīnīs jōgavej ikvīnam katōļam nu 21. leidz 60. dzeives godam.

192. Kam jōatsatur nu gaļas ēdīnim Bazneicas nūlyktajīs dīnīs?

Bazneicas nūlyktajīs dīnīs nu gaļas ēdīnim jōatsatur ikvīnam katōļam, kas sasnēdzis ostoitū dzeives godu.

193. Kas jōdora, jo patīši gryuši ir īvārōt gavēņus vai atšaturēšonu nu gaļas?

Jo kaidam patīši gryuši tīvārōt gavēņus vai

atsatureišonu nu gaļas, tod jōlyudz nu prīstera atfīceiga atbreivōšonas atļauja.

3. «TEV BYUS VYSMOZ VĪNU REIZI GODĀ IZSYUDZĒT SOVUS GRĀKUS»

194. Kū Bazneica pavēlej trešajā bausleibā?

Trešajā bausleibā Bazneica pavēlej, lai ikvīns ticeigais vysmoz reizi godā izsyudzātu sovus grākus.

195. Kam vysmoz vīnu reizi godā jōizsyudz sovi grāki?

Vysmoz vīnu reizi godā ikvīnam katōļam jōizsyudz sovi grāki, kod tys sasnēdzis pylnus 7 godus.

4. «TEV BYUS VYSMOZ LEIDĪNU LAIKĀ PĪJIMT VYSUSVĀTŌKŪ SAKRAMENTU»

196. Kū Bazneica pavēlej caturtajā bausleibā?

Caturtajā bausleibā Bazneica pavēlej, lai ikvīns ticeigais vysmoz Leldīnu laikā pījimtu Vysusvātōkū Sakramentu.

197. Kam vysmoz Leldīnu laikā jōpījem Vysusvātōkais Sakraments?

Vysmoz Leldīnu laikā Vysusvātōkais Sakraments jōpījem ikvīnam katōļam, kod tys sasnēdzis pylnus 7 godus.

198. Kod sōcās un beidzās Leldīnu laiks?

Leldīnu laiks īsasōc Leldīnu vigilijā (Leldīnu nakts dīvkolpōjumā) un nūsaslādz Vosorsvātkūs.

5. «TEV BYUS PALEIDZĒT UZTURĒT SOVU BAZNEICU»

199. Kū pavēlej pīktō Bazneicas bausleiba?

Pīktō Bazneicas bausleiba pavēlej vysim kristeigajim, kotram pēc sovas īspējas, paleidzēt uzturēt savu Bazneicu, kai ari dažaidas labdareibas īstōdes, kuras pi tōs atsarūn.

BAUSLEIBU PŌRKŌPŠONA

200. Kas ir grāks?

Grāks ir Dīva vai Bazneicas bausleibu apzineiga un breivprōteiga pŏrkŏpšona.

201. Kaidi ir grāki?

Grāks ir divejajids: īdzymtais un padareitais.

202. Kas ir īdzymtais grāks?

Īdzymtais grāks ir tys, kū paradizē padareja Odums un Īva un kas caur dzimšonu pŏrīt uz ikvīnu cylvāku.

203. Kas ir padareitais grāks?

Padareitais grāks ir tys, kū cylvāks pats izdora.

204. Vai padareitī grāki vysi ir vīnaidi?

Vysi grāki nav vīnaidi: cyti ir leli jeb nōveigī, cyti mozi jeb ikdīniški.

205. Kas ir nōveigs grāks?

Nōveigs grāks ir teiša un apzynōta Dīva vai Bazneicas bausleibu pōrkōpšona lelā lītā.

206. Kū zaudej cylvāks caur nōveigu grāku?

Caur nōveigu grāku cylvāks zaudej Dīva žēlesteibu un nūpeļnej myužeigu pazusšonu.

207. Kas ir ikdīnišks grāks?

Ikdīnišks grāks ir Dīva vai Bazneicas bausleibu pōrkōpšona mozā lītā vai ari lelā, bet na piļneigi breivi un apzynōti.

208. Kaidu strōpi cylvāks peļnej par ikdīnišku grāku?

Par ikdīnišku grāku cylvāks nūpeļnej laiceigu strōpi šymā pasaulē vai pēc nōves škeisteišonas gunī.

209. Kai cylvāks var grākōt?

Cylvāks var grākōt ar dūmom, vōrdim, dorbim un nadorūt tū, kas jōdora.

210. Kas nūteik, jo kaidu grāku atkōrtoj?

Atkōrtojūt kaidu grāku, mes īgyustam ļaunu īrodumu jeb natykumu.

211. Cik ir bīžōk sastūpamū natykumu?

Bīžōk sastūpamī ļaunī cylvāku īrodumi ir septeni. Tūs sauc par septenim golvonajim grākim.

BAUSLEIBU PIĻDEIŠONA

212. Vai mums pīteik ar tū, ka mes tikai sorgojamīs nu grākim?

Mums napīteik ar tū, ka mes tikai sorgojamīs nu grākim, jo mums ari jōdora lobi dorbi.

213. Kaidi lobi dorbi mums vyspyrms jōdora?

Vyspyrms mums jōdora fī lobī dorbi, kurus prosa myusu pīnōkums.

214. Kaidi ir Dīvam vyspateikamōkī lobī dorbi?

Dīvam vyspateikamōkī lobī dorbi ir: lyugšona, gavēņs un dōvonu dūšona nabogim.

215. Kū īgyustam, kaidu lobu dorbu atkōrtojūt?

Atkōrtojūt kaidu lobu dorbu, mes īgyustam lobu īrodumu jeb tykumu.

216. Kaidi ir vyssvareigōkī tykumi?

Vyssvareigōkī ir trejs dīvišķī tykumi: 1) Ticeiba, 2) Cereiba, 3) Mīlesteiba.

217. Kaidi ir pamattykumi?

Pamattykumi ir četri: 1) Gudreiba; 2) Taisneigums; 3) Mēreneiba; 4) Drūsme.

218. Kaidi mes kļyustam, īgyustūt vysod vairōk un vairōk tykumu?

Īgyustūt vysod vairōk un vairōk tykumu, mes kļyustam arvīnu piļneigōki.

219. Kas jōdora pastōveigai pīaugšonai piļneibā?

Pastōveigai pīaugšonai piļneibā seviška uzmaneiba jōpīvēš vyslobōkajai myusu tīšūs pīnōkumu izpiļdeišonai.

220. Kas vysvairōk paleidz pīkšzeimeigai myusu tīšūs pīnōkumu izpiļdeišonai?

Pīkšzeimeigai sovu tīšūs pīnōkumu izpiļdeišonai vysvairōk paleidz nūteikta kōrteiba.

221. Kas jōdora reitūs?

Reitūs pīsaceļūt, jōnūskaite ikdīniškōs lyugšonas.

222. Kas jōdora pyrms un pēc ēššonas?

Pyrms un pēc ēššonas jōsalyudz, vysmoz jōpōrmat krysts.

223. Kai mums jōdora myusu dorbi?

Myusu dorbi mums jōdora apzineigi, jōsasorgoj nu slinkōšonas.

224. Kas jōdora, ejūt gulēt?

Ejūt gulēt, jōnūskaite ikdīniškas lyugšonas, jōizmeklej sirdsapziņa par paveiktōs dīnas dūmom, vōrdim un nūlaideibom.

III SVĀTĪ SAKRAMENTI UN LYUGŠONAS

DĪVA ŽĒLESTEIBA

225. Vai mes spējam vīneigi sovīm spākim izpildeit vysas bausleibas un izasorgōt nu vysim grākim?

Vīneigi sovīm spākim mes naspējam izpildeit vysas bausleibas un izasorgōt nu vysim grākim.

226. Kas mums ir vajadzeigs, lai mes spātu izpildeit vysas bausleibas un izasorgōt nu grākim?

Lai mes spātu izpildeit vysas bausleibas un izasorgōt nu grākim, mums ir vajadzeiga Dīva paleidzeiba, kū mes saucam par Dīva žēlesteibu.

227. Kaidas ir Dīva žēlesteibas?

Dīva žēlesteibas ir divejaidas: svātdareitōja un paleiga žēlesteiba.

228. Kas ir svātdareitōja žēlesteiba?

Svātdareitōja žēlesteiba ir sevišķa Dīva dōvona, kura myusus dora par svātim, Dīvam pateikamim un dūd mums fīseibas uz dabasu vaļsteibu.

229. Kod mes zaudejam svātdareitōju žēlesteibu?

Svātdareitōju žēlesteibu mes zaudejam, kod padorom kaidu nōveigu grāku.

230. Kod mes otkon sajamam pazaudētū svātdareitōju žēlesteibu?

Pazaudeitū svātdareitōja žēlesteibu mes otkon īmontojam, kod grāksyudzē izsyudzam sovus grākus, sajamam pīdūšonu.

231. Vai varim byut pesteiti bez svātdareitōjas žēlesteibas?

Bez svātdareitōjas žēlesteibas mes navarim byut pesteiti.

232. Kas ir paleiga žēlesteiba?

Paleiga žēlesteiba ir seviška Dīva dōvona, kura mums dūd spāku dareit lobu un sorgōfīs nu ļauna.

233. Kod Dīvs mums dūd paleiga žēlesteibu?

Dīvs dūd mums paleiga žēlesteibu kotrā gadejumā, kod tei mums vajadzeiga.

234. Ar kū mes sajamam Dīva žēlesteibas?

Dīva žēlesteibas mes sajamam caur svātajim sakramentim un lyugšonu.

SVĀTĪ SAKRAMENTI

235. Kas ir sakramenti?

Sakramenti ir Kunga Jezus Īstōdeitas zeimes, ar kurom montojam naredzamas Dīva žēlesteibas.

236. Kas īstōdeja svātūs sakramentus?

Svātūs sakramentus īstōdeja pats Kungs Jezus.

237. Cik sakramentu Kungs Jezus īstōdeja?

Kungs Jezus īstōdeja septēņus sakramentus.

238. Kai īsadola svātī sakramenti?

Ir taidi svātī sakramenti, kurus var pījimt vīnu reizi dzeivē, un taidi, kurus var pījimt vairōkas reizes.

239. Kaidus sakramentus var pījimt tikai vīnu reizi dzeivē?

Tikai vīnu reizi dzeivē var pījimt: kristeibu, īstyprynōšonu un prīstereibu.

1. KRISTEIBAS SAKRAMENTS

240. Kurs sakraments ir vysvajadzeigōkais?

Vysvajadzeigōkais ir Kristeibas sakraments.

241. Kōdēļ Kristeibas sakraments ir vysvajadzeigōkais?

Kristeibas sakraments ir vysvajadzeigōkais tōpēc, ka bez kristeibas cylvāks navar byut pesteits.

242. Kaidu žēlesteibu dūd Kristeibas sakraments?

Kristeibas sakraments atbreivoj nu īdzymtō

grāka un nu vysim cytim grākim, izdareitim pyrms kristeibas.

243. Kas var kristeit?

Kristeit var veiskupi, prīsteri, diakoni un vajadzeibas gadejumā ikvīns cylvāks.

244. Kai vajag kristeit?

Jōkrista tai: lejūt yudini bārnā un golvas, jōsoka vōrdi: «N. (jōmin bārna vōrds), es tevi krystu Dīva Tāva un Dāla, un Svātō Gora vōrdā.»

245. Kas var byut krysttāvs un krystamōte?

Krysttāvs un krystamōte var byut tikai katōli, un gūdeigi cylvāki.

246. Cik reizes dzeivē dreikst pījimt kristeibu?

Kristeibu dreikst pījimt tikai vīnu reizi dzeivē.

2. ĪSTYPRYNŌŠONAS SAKRAMENTS

247. Kas ir īstyprynōšona?

Īstyprynōšona ir sakraments, kas cylvāku styprynoj ticeibā un dūd Svātō Gora dōvonas.

248. Kaidas ir Svātō Gora dōvonas?

Svātō Gora dōvonas ir: **1) gudreiba, 2) sa-prōts, 3) padūms, 4) styprums, 5) zynōšona, 6) dīvbijeiba un 7) Dīva dziļa cīneišona.**

249. Kas var īstyprynōt?

Īstyprynōt var tikai veiskups.

250. Kas var pījimt Īstyprynōšonas sakramentu?

Īstyprynōšonas sakramentu var pījimt tys, kas ir kristeits un ir breivs nu nōveiga grāka.

251. Cik reizes var pījimt Īstyprynōšonas sakramentu?

Īstyprynōšonas sakramentu var pījimt tikai vīnu reizi.

252. Kas pi Īstyprynōšonas sakramenta var byut par krysttāvu vai krystamōti?

Pi Īstyprynōšonas sakramenta par krysttāvu vai krystamōti var byut fī, kas poši ir Īstyprynōti un gūdeigi cylvāki.

3. VYSUSVĀTŌKAIS OLTORA SAKRAMENTS

253. Kas ir Vysusvātōkais Sakraments?

Vysusvātōkais Sakraments ir Kunga Jezus Kristus eistyna Mīsa un Asinis zam maizes un veina zeimem.

254. Kōpēc itū sakramentu sauc par Vysusvātōkū Sakramentu?

Itū sakramentu sauc par Vysusvātōkū Sakramentu tōpēc, ka tymā ir apslāpts pats svātuma devējs Kungs Jezus Kristus.

255. Kod Kungs Jezus Īstōdeja Vysusvātōkū Oltora Sakramentu?

Kungs Jezus Īstōdeja Vysusvātōkū Oltora

Sakramentu Pādejōs vakariņōs.

256. Kai Kungs Jezus īstōdeja Vysusvātōkū Oltora Sakramentu?

Kungs Jezus īstōdeja Vysusvātōkū Oltora Sakramentu tai: *Jis jēme maizi, svēteja tū un deve Sovim mōceklim, saceidams: «Jemit un ēdit, tei ir Muna Mīsa.»*

Tod Jis jēme bikeri ar veinu, svēteja tū un saceja: «Dzerit nu tō vysi, jo tys ir Muns Asnis.»

Pēc tam Jis pavēlēja apostolim: «Dorit tū, Mani pīmynādami.»

257. Kū Kungs Jezus dareja, sokūt: «Tei ir muna Mīsa?»

Sokūt – tei ir Muna Mīsa – Kungs pōrvērtē maizi Sovā Mīsā.

258. Kū Kungs Jezus dareja, sokūt: «Tys ir muns Asnis?»

Sokūt – Tys ir Muns Asnis – Kungs Jezus pōrvērtē veinu Sovā Asnī.

259. Kū Kungs Jezus dareja, sokūt: «Dorit tū, mani pīmynādami.»

Kungs Jezus deve apostolim varu pōrvērst maizi Jō Mīsā un veinu Jō Asnī.

260. Kam apostoli nūdeve itū pōrvēršonas varu tōļōk?

Apostoli nūdeve itū pōrvēršonas varu tōļōk veiskupim un prīsterim.

261. Kod veiskupi un prīsteri pōrvērš maizi un veinu Kunga Jezus Mīsā un Asnī?

Svātajā Misē veiskupi un prīsteri pōrvērš maizi un veinu Kunga Jezus Mīsā un Asnī.

262. Kas ir Svātō Mise?

Svātō Mise ir bezašņa Jaunōs Dereibas upurs, kurā Kungs Jezus ar prīstera rūkom pats Sevi par mums upurej dabasu Tāvam.

263. Kas īstōdeja Svātū Misi?

Svātū Misi īstōdeja pats Kungs Jezus Kristus.

264. Kod Kungs Jezus īstōdeja Svātōs Mises upuri?

Kungs Jezus Svātōs Mises upuri īstōdeja Lelajā caturdinē Pādejūs vakariņu laikā.

265. Kas palīk nu maizes un veina pēc pōrvēršonas Kunga Jezus Mīsā un Asnī?

Nu maizes un veina pēc pōrvēršonas Kunga Jezus Mīsā un Asnī palīk zeimes: garša, izskots un veids.

266. Kū mes pījamam Vysusvātōkajā Sakramentā pi Dīva golda – svātajā komunijā?

Vysusvātōkajā Sakramentā pi Dīva golda mes pījamam dzeivū Kungu Jezu.

267. Vai, pījamūt Vysusvātōkū Sakramentu zam maizes zeimem, pījamam ari Kunga Jezus Asni?

Pījamūt Kunga Jezus Mīsu zam maizes zeimem, pījamam reizē ari Jō Asni, jo, kur ir dzeiva mīsa, fī klōt ir ari dzeivs asnis.

268. Kas napīcīšams, lai cīneigi pījimtu Vysusvātōkū Sakramentu?

Lai cīneigi pījimtu Vysusvātōkū Sakramentu, jōsagatavoj dvēsele un mīsa.

269. Kai jōsagatavoj mīsa?

Mīsa jōsagatavoj tai: vīnu stuņdi jōbyut naādušam un nadzārušam un pīklōjeigi jōapsagērb.

270. Kai jōsagatavoj dvēsele?

Dvēsele jōsagatavoj tai: jōizsyudz sovi grāki, vysmoz jōbyut breivam nu nōveiga grāka.

271. Kas jōdora pyrms pošas Vysusvātōkō Sakramenta pījimšonas?

Pyrms pošas Vysusvātōkō Sakramenta pījimšonas jōskaita: *Atsazeistu...* un jōpamūdynoj sovā sirdī ticeiba, cereiba un mīlesteiba.

272. Kas jōdora, kod prīsters paceļ Vysusvātōkū Sakramentu?

Pyrms komunijas jōnūsamat ceļūs un, kod prīsters paceļ Vysusvātōkū Sakramentu, kūpā ar cytim jōsoka: *«Kungs, es naasu cīneigs, ka Tu nōktu pi manis, bet soki tikai vōrdu, un muna dvēsele kļjus vasala.»* Vysusvātōkū Sakramentu jōpījam stōvūt uz celim. Kod prīsters, tū snādzūt, soka: *«Corpus Christi»* (t.i., *Kristus Mīsa*), ir jōatbiļd *«Amen»* un jōatver mute, lai sajimtu dīvmaizeiti (uz mēles).

273. Kas jōdora tyuļeņ pēc Vysusvātōkō

Sakramenta pījimšonas?

Pēckomunijas laiks jōpavoda lyugšonā. Īteicams laseit attīceigōs lyugšonas pēc svātōs komunijas, pavodūt šōs dažas minutes dīvbijeigi sarunā ar Pesteitōju. Tys ir svāts breids, kod zam radzatom zeimem myusu dvēseli apcīmoj Dīvs. «*Es asu Dzeivō Maize, kas nōkuse nu dabasim,*» soka Kungs. «*Jo kas ēss nu šōs Maizes, tys dzeivōs myužēigi*» (Jņ 6, 51-52)

Pi dīvgolda kotru reizi jōnōk ar skaidru sirdi un dziļu ticeibu Euharistijas nūslāpumam!

274. Vai var tyuleņ pēc Vysusvātōkō Sakramenta pījimšonas izīt nu bazneicas?

Pēc Vysusvātōkō Sakramenta pījimšonas vysmoz dažas minutes jopavoda lyugšonā un jōpasateic Dīvam par tik lelu žēlesteibu.

275. Vai dreikst pījimt Vysusvātōkū Sakramentu cylvāks, kas pi grāksyudzes nav sajēmis pīdūšonu?

Kas pi grāksyudzes nav sajēmis grāku pīdūšonu un tūmār pījam Vysusvātōkū Sakramentu, tys izdora jaunu, cīši lelu grāku.

4. GONDAREIŠONAS SAKRAMENTS

276. Kas ir gondareišona?

Gondareišonas sakraments ir Kunga Jezus Īstōdeits sakraments, kurā sajamam grāku pīdūšonu.

277. Kod Kungs Jezus īstōdeja Gondareišonas sakramentu?

Kungs Jezus īstōdeja Gondareišonas sakramentu pēc Sovas augšanceļšonās, kod Jezus saceja apostolim: *«Mīrs ar jyusim! Kai Mani Tāvs syutejis, tai es jyusus syutu.»*

Pēc itim vōrdim Jis dvese uz tim un saceja: *«Sajemit Svātū Goru! Kam Jyus grākus pīdūsit, tim tiks pīdūts, kam Jyus tūs aiztureisit, tim tī tiks aizturāti.»*

278. Uz kū ir pōrgōjuse vara atlaist grākus?

Vara atlaist grākus ir pōrgōjuse nu apostolim uz veiskupim un prīsterim.

279. Kas jōdora, lai sajimtu grāku atlaisšonu?

Lai sajimtu grāku atlaisšonu, jōizpylda pīcas grāksyudzes jeb bikts daļas: 1) jōizmeklej sirdsapziņa, 2) jōnūžāloj sovi grāki, 3) nūpītni jōapsajem lobōfīs, 4) jōizsyudz sovi grāki, 5) jōizpylda uzlyktais gondarejums.

SIRDSAPZIŅAS IZMEKLĒŠONA

280. Kas ir sirdsapziņas izmeklēšona?

Sirdsapziņas izmeklēšona ir pēc pādejōs lobōs grāksyudzes vysu dareitū grāku atsacereišona.

281. Kod jōizmeklej sova sirdsapziņa?

Sirdsapziņa jōizmeklej pyrms grāksyudzes.

282. Kas vēļ jōdora pi sirdsapziņas izmeklēšonas?

Pi sirdsapziņas izmeklēšonas vajaga atsa-
cerēt grāku skaitu, lelumu un ļaunumu.

GRĀKU NŪŽĀLŌŠONA

**283. Kas jōdora pēc sirdsapziņas izmek-
lēšonas?**

Pēc sirdsapziņas izmeklēšonas grāki sirsneigi
jōnūžāļoj.

284. Kas ir grāku nūžālōšona?

Grāku nūžālōšona ir sirdssōpes pēc
padareifīm grākim, ka mes asam ar tim Dīvu
saryugtynōjuši.

285. Kaida ir grāku nūžālōšona?

Grāku nūžālōšona ir divejaida: dabiska un
pōrdabiska.

286. Kod grāku nūžālōšona ir dabiska?

Grāku nūžālōšona ir dabiska, kod mes
grākus nūžāļojam tikai laiceigu īmešļu deļ.

287. Kod grāku nūžālōšona ir pōrdabiska?

Grāku nūžālōšona ir pōrdabiska, kod mes
grākus nūžāļojam tōpēc, ka asam lobū Dīvu
sōpynōjuši un nūpeļnejuši eļņi.

**288. Kaida grāku nūžālōšona ir vajadzeiga
pi grāksyudzes?**

Pi grāksyudzes ir vajadzeiga pōrdabiska
grāku nūžālōšona.

289. Kaida var byuť pōrdabiska grāku

nūžālōšona?

Pōrdabiska grāku nūžālōšona ir piļneiga un napiļneiga.

290. Kod ir piļneiga grāku nūžālōšona?

Jo mums sōp sirds aiz mīlesteibas, ka Dīvu, sovu Lobū Tāvu, asam sōpynōjuši, tod mums ir piļneiga grāku nūžālōšona.

291. Kod ir napiļneiga grāku nūžālōšona?

Jo mums sōp sirds aiz bailem, ka asam pazaudejuši dabasus un nūpeļnejuši eļni, tod mums ir napiļneiga grāku nūžālōšona.

292. Kod napīcīšami jōpamūdynoju piļneiga grāku nūžālōšona?

Piļneiga grāku nūžālōšona napīcīšami jōpamūdynoju nōves brīsmōs, kod vairōk navar izsyudzēt nōveigus grākus.

APSAJIMŠONA LOBŌTĪS

293. Kas jōdora pēc grāku nūžālōšonas?

Pēc grāku nūžālōšonas styngri jōapsajem vairs nagrākōt un sorgōfīs nu grāku īmešlim.

294. Kas var byut grāku īmešli?

Grāku īmešli var byut: personas, vītas un apstōkli, kuri cylvāku vad uz grāku.

295. Vai Dīvs pīdūd tam cylvākam grākus, kas nagryb atstōt grāku īmešlus?

Kas naatstōj grāku īmešlus, tam grāki nateik pīdūti.

GRĀKU SYUDZEIŠONA

296. Kas ir grāku syudzeišona?

Grāku syudzeišona ir atsazeišona prīsteram sovūs pōrkōpumūs, lai sajimtu grāku pīdūšonu.

297. Kaidai jōbyut grākisyudzei?

Grākisyudzei jōbyut vaļsirdeigai un piļneigai.

298. Kod grākisyudze byus vaļsirdeiga?

Grākisyudze vaļsirdeiga byus tod, kod grākus un tū apstōkļus syudzēsīm tai, kai tys ir bejs.

299. Kod grākisyudze byus piļneiga?

Grākisyudze piļneiga byus tod, jo atklōsi prīsteram vysus grākus, nivīnu naslēpūt.

300. Kas vēj jōdora grākisyudzē?

Grākisyudzē jōpasoka, cik reižu esi padarejis nōveigu grāku.

301. Vai grākisyudze ir loba, jo esi aizmērsis izsyudzēt nōveigu grāku?

Jo esi aizmērsis izsyudzēt nōveigu grāku, taida grākisyudze ir loba, tikai nōkušreiz jōpasoka aizmērstais grāks.

302. Vai grākisyudze byus loba, jo aiz kauna vai bailem nūslēpsi kaidu nōveigu grāku?

Jo kaidu nōveigu grāku nūslēpsi apzynōtai aiz kauna vai bailem, tod grākisyudze byus slykta un svātzadzeiga.

303. Vai ar svātzadzeigu grāksyudzi sajam grāku pīdūšonu?

Ar svātzadzeigu grāksyudzi nasajam grāku pīdūšonu.

304. Kas jōdora tam, kas grāksyudzē teišom nūslēpis nōveigu grāku?

Kas grāksyudzē teišom nūslēpis nōveigu grāku, tam nōkušā grāksyudzē jōpasoka biktstāvam grāka nūslēpšona un nu jauna jōizsyudz īprīkšējōs grāksyudzes grāki.

305. Grāksyudzes kōrteiba ir šaida:

Kod byusi pīgōjis pi biktskrāsla, prīsters tevi svēteis ar krysta zeimi. Reizē ari sevi apzeimej ar krysta zeimi un tod uzrunoj prīsteri ar kristeigō sveicīņa vōrdim: «*Lai ir slaveits Jezus Kristus.*» Pēc tam soki: «*Pādejū reizi beju pi grāksyudzes (kod?). Vyslobū Dīvu asu apvainōjis ar šaidim grākim.*» Tod pazemeigi un drūši nūsauc sovus grākus. Beigōs soki: «*Vairōk grāku napīmiņu, vysus sovus grākus nūžāloju, apsajemu lobōfīs un lyudzu grāku pīdūšonu.*» Pēc tam klausīs, kū tev soka prīsters.

306. Kas jōdora, kod prīsters dūd grāku atlaišonu?

Breidī, kod jis tev dūd grāku atlaišonu, vēļreiz nūžāloj sovus grākus un, sytūt kryufīs trejs reizes, atkōrtoj šōs lyugšonas vōrdus: «**Kungs Dīvs, esi maņ, grēcinīkam, žēleigs.**»

Biktskrāslu atstāt var tikai tad, kad prāsters ir pāklauvejis par zeimi, ka bikts ir beigusēs.

307. Kas jōdora pēc grāksyudzes?

Pēc grāksyudzes jōizpylda biktstāva uzlyktō gondareišona par grākim.

GONDAREIŠONA PAR GRĀKIM

308. Kas ir gondareišona par grākim?

Gondareišona nūzeimōj zynomas lyugšonas vai lobus dorbis, kŭ prāsters uzlīk grāku syudzātōjam izpiļdeit, lai tei dzāstu vysmoz daļu nu peļneitō sūda.

309. Vai poši dreikstam izmaineit nu prāstera uzlyktŭ gondareišonu par grākim?

Poši, bez biktstāva ziņas, gondareišonu nikod nadreikst izmaineit.

310. Kod un kai jōizpylda uzlyktō gondareišona?

Gondareišona ir jōizpylda tymā laikā un tai, kai biktstāvs ir uzlicis.

5. SLIMNĪKU SAKRAMENTS

311. Kas ir Slimnīku sakraments?

Slimnīku sakraments ir Kunga Jezus īstōdeits sakraments, kas myusus styprnoj pādejā myusu dzeives breidī pret kārdynōšonu, dzēš grāka vainas vai atgrīž veseleibu.

312. Kas un kod šŭ sakramentu var pījimt?

Šū sakramentu var pījimt ikvīns katōļs, kas ir smogi slyms.

313. Cik reizes var pījimt šū sakramentu?

Šū sakramentu var pījimt vīnā un tymā pošā slimeibā vīnu reizi.

6. PRĪSTEREIBAS SAKRAMENTS

314. Kas ir prīstereiba?

Prīstereiba ir Kunga Jezus īstōdeits sakraments, kas dūd cylvākam varu upurēt Svātū Misi, daleit svātūs sakramentus un cytas Dīva žēlesteibas, mōceit ticeibas patīseibas.

315. Kas var īsvēteit prīsterus?

Prīsterus var īsvēteit tikai veiskups.

7. LAULEIBAS SAKRAMENTS

316. Kas ir lauleiba?

Lauleiba ir Kunga Jezus īstōdeits sakraments, kas veiršam un sīvītei, kuri apsūla vīns ūtram mīlesteibu, dūd žēlesteibu saticeigi dzeivōt un dīvbijeigi audzynōt bārnus.

317. Kas var laulōt?

Laulōt var veiskupi, prīsteri un diakoni.

318. Vai dzymtsarokstu nūdaļas var dūt Lauleibas sakramentu?

Dzymtsarokstu nūdaļas navar dūt Lauleibas sakramentu.

319. Vai fī, kuri kūpeigi dzeivoj tikai ar

dzymtsarokstu nūdaļas sasarakstēšonu bez lauleibas bazneicā, var tikt pīlaisti pi svāfīm sakramentim?

Tī, kuri kūpeigi dzeivoj tikai ar dzymtsarokstu nūdaļas sasaraksteišonu, navar tikt pīlaisti pi svāfīm sakramentim, cikom nabyus salaulōti bazneicā.

320. Vai eista lauleiba ir škirama?

Eista lauleiba ir naškirama. Jo veirs ar sīvu vairōk navar sadzeivōt, jī teik škērti, bet tikai tai, ka ni škērtais veirs, nu škērtō sīva navar precāfīs ar kaidu cytu.

321. Kōpēc Bazneica nāisoka lauleibu storp dažaidu ticeibu cylvākim?

Bazneica nāisoka lauleibu storp dažaidu ticeibu cylvākim, jo nav īspiejama loba bārnu audzynōšona tī, kur nav vīnōti ticeibā.

LYUGŠONA

322. Kas ir lyugšona?

Lyugšona ir dīvbijeiga saruna ar Dīvu vai Jō svātajim.

323. Kōpēc mums jōlyudz Dīvs?

Mums jōlyudz Dīvs tōpēc, ka pats Kungs Jezus mums tai pavēlēja.

324. Kai var lyugt Dīvu?

Dīvu var lyugt ar vōrdim un dūmom.

325. Kū mes varim lyugt nu Dīva?

Mes varim lyugt nu Dīva vysu, kas ir lobs un vajadzeigs myusu pesteišonai.

326. Kod vysvairōk jōlyudz Dīvs?

Dīvs jōlyudz reitā, vokorā un vysvairōk kārdynōšonōs un nalaimēs.

327. Kaida lyugšona ir vyslobōkō?

Vyslobōkō ir Kunga lyugšona jeb Tāvs myusu.

328. Kōpēc tū sauc par Kunga lyugšonu?

Par Kunga lyugšonu tū sauc tōpēc, ka tū mums īmōceja pats Kungs Jezus.

329. Pēc Tāvs myusu kaida vēļ ir lobōkō lyugšona?

Pēc Tāvs myusu lobōkō lyugšona ir *Esi sveicynōta* jeb *Eņgeļa sveicynōjums*.

330. Kō gūdam mes lyudzam Esi sveicynōta?

Esi sveicynōta mes lyudzam Jaunovas Marijas gūdam.

331. Kū mums atgōdinoj Kunga lyugšonas vōrdi – Tāvs myusu, kas esi debesīs?

Kunga lyugšonas vōrdi – *Tāvs myusu, kas esi debesīs* – atgōdinoj mums, ka Dīvs ir myusu dabasu Tāvs, tōdēļ mums jōlyudz Jis ar paļōveibu.

332. Kū lyudzam ar vōrdim – Svēteits lai tūp Tavs vōrds?

Ar vōrdim – *Svēteits lai tūp Tovs vōrds* – mes aplīcynojam, ka gribim, lai vysi gūdynōtu svātū Dīvu.

333. Kū lyudzam ar vōrdim – *Lai atnōk Tova vajsteiba?*

Ar vōrdim – *Lai atnōk Tova vajsteiba* – mes aplīcynojam, ka gribim, lai Dīvs, vaļdnīku Vaļdnīks, vaļdeitu pōr mums un vastu myusus uz dabasu vaļsteibu.

334. Kū lyudzamēs ar vōrdim – *Tova vaļa lai nūteik kai debesīs, tai ari vērs zemes?*

Ar vōrdim – *Tova vaļa lai nūteik kai debesīs, tai ari vērs zemes* – mes aplīcynojam, ka gribim Dīva vaļu tik labi piļdeit vērs zemes, kai tū svāfī pylda debesīs.

335. Kū lyudzam ar vōrdim – *Myusu dīnišķū maizi dūd mums šudiņ?*

Ar vōrdim – *Myusu dīnišķū maizi dūd mums šudiņ* – mes lyudzam, lai Dīvs dūtu mums vysu, kas dzeivē ir vajadzeigs.

336. Kū mes lyudzam ar vōrdim – *Pīdūd mums myusu porōdus, kai ari mes pīdūdam sovīm porōdnīkim?*

Ar vōrdim – *Pīdūd mums myusu porōdus, kai ari mes pīdūdam sovīm porōdnīkim* – mes lyudzam Dīvu pīdūt mums myusu grākus, kai mes pīdūdam tim, kas ir nūsažiguši pret mums.

337. Kū lyudzam ar vōrdim – Naīved myusu kār dynōšonā?

Ar vōrdim – *Naīved myusu kār dynōšonā* – mes lyudzam Dīvu sorgōt myusus nu kār dynōšonas, lai mes nasagrākōtu.

338. Kū lyudzam ar vōrdim – Bet atpestej myus nu ļauna?

Ar vōrdim – *Bet atpestej myus nu ļauna* – mes lyudzam Dīvu, lai Jis myusus glōbtu nu dvēseles un mīsas nalaimem.

339. Kū nūzeimōj lyugšona Esi sveicynōta jeb Eņgeļa sveicynōjums vōrdi – Esi sveicynōta, Marija?

Vōrdi – *Esi sveicynōta, Marija* – nūzeimōj sveicīni.

340. Kū nūzeimōj vōrdi – Žēlesteibas pylnō?

Vōrdi – *Žēlesteibas pylnō* – nūzeimōj, ka Dīvs ar vysom žēlesteibom ir apdōvynōjis Mariju.

341. Kū nūzeimōj vōrdi – Kungs ir ar Tevi?

Vōrdi – *Kungs ir ar Tevi* – nūzeimōj, ka Marija, kas beja bez grāka, vysod beja vīnōta ar Dīvu.

342. Kū nūzeimōj vōrdi – Tu esi svēteita storp sīvītem?

Vōrdi – *Tu esi svēteita storp sīvītem* – nūzeimōj, ka Marija ir slovonōka par vysom sīvītem.

343. Kū nūzeimōj vōrdi – Un svēteits ir Tovas mīsas auglis Jezus?

Vārdi – *Un svēteits ir Tavas māsas auglis Jezus* – nūzeimoj, ka Marijas dāls ir slovonōks par vysu sīvīšu bārnim.

344. Kū lyudzam ar vārdim - Svātō Marija, Dīva Mōte, lyudzīs par mums, grēcinīkim, tagad un myusu nōves stuņdē?

Ar vārdim - *Svātō Marija, Dīva Mōte, lyudzīs par mums, grēcinīkim, tagad un myusu nōves stuņdē* – lyudzam Mariju, lai ar Sovom lyugšonom aizbyldynōtu myusus.

345. Kaida lyugšona jōskaita, kod reitā, pušdinēs un vokorā zvona bazneicas zvoni?

Kod reitā, pušdinēs un vokorā zvona bazneicas zvoni, jōskaita *Kunga Eņģeļs*.

346. Kōpēc šei lyugšona teik skaiteita?

Šei lyugšona teik skaiteita, lai pasateiktu Kristum un Jō Mōtei par atpesteišonu nu eļnes verdzeibas.

347. Kas ir rūžukrūņs?

Rūžukrūņs ir lyugšonas Kunga Jezus un Marijas dzeives svareigōkū 20 nūtykumu pagūdynōšonai.

348. Cik ir rūžukrūņa daļū?

Rūžukrūnī ir četras daļas: pīrceigō, gaismas, sōpeigō un augstōs gūdeibas daļa.

349. Kas ir skapulars?

Skapulars ir svēteitas drēbes zeimes vai metala medaljons, kū nosoj uz kryutim Marijas gūdam.

350. Cik ikdīnišku lyugšonu jōskaita tam, kas ir uzjimits Karmelitu skapulara brōleibā?

Tam, kas ir uzjimits Karmelitu skapulara brōleibā, ik dīnas jōskaita septeņas ikdīniškōs lyugšonas, tys ir, 7 reizes 1 Tāvs myusu..., Esi sveicynōta..., un Gūds lai ir..., un beigōs 1 Es tycu uz Dīvu...

351. Kas ir krystacejš?

Krystacejš ir 14 stacejas (apsastōšonas), kas atgōdinoj mums Kunga Jezus cīsšonu nūtykumus, Jam ejūt nu Pilata pils uz Kalvarejas kolnu.

352. Kai mes sōcam un beidzam vysas lyugšonas?

Vysas lyugšonas mes sōcam un beidzam ar krysta zeimi – *Dīva Tāva un Dāla un Svātō Gora vōrdā. Amen.*

353. Kū nūzeimōj vōrds «Amen»?

Vōrds «Amen» nūzeimōj – lai tai nūteik, kai mes tycam, kai doram, kai gondarejam, kai lyudzamēs.

NŌC, MĪRA KARALĪNE

Nōc, Mīra Karalīne, myusus aizstōvi sovōs lyugšonōs. Glōb myus, glōb myus, glōb, mes Tevi lyudzam.

KUNGS DĪVS VYSSVĀTŌKĀ HOSTIJĀ,

*myus ved uz dabasu laimeibu!
Šōs dzeives ceīņu īlejā
mes lyudzam Tovu svēteibu.*

*Dīvs, Trejadeibā vīneigais,
Tev slava vysā myužebā!
Kod ceļš mums beigsīs laiceigais,
myus pījem sovā vaļsteibā. Amen.*

VYSUSVĀTŌKŪ SAKRAMENTU

*gūdbejeigi pīlyudzam.
Maizes zeimes klōtasūšū
Kungu Dīvu slavejam –
ticeibā un paļōveibā
Viņa vōrdam svātajam.
Dīvam Tāvam, Dīvam Dālam
lai ir slava myužeiga*

*dabasūs un vysā zemē
nu ikvīnas radeibas.
Goram Svātajam lai vysod
pīlyugšona leidzeiga. Amen.*

O SALUTARIS HOSTIA

*Quae caeli pandis ostium,
Bella premunt hostilia,
Da robur, fer auxilium.*

*Uni trinoque Domino
Sit sempiterna gloria:
Qui vitam sine termino
Nobis donet in patria. Amen.*

TANTUM ERGO SACRAMENTUM

*Veneremur cernui:
Et antiquum documentum
Novo cedat ritui:
Praestet fides supplementum
Sensuum defectui.*

*Genitori, Genitoque
Laus et iubilatio,
Salus, honor, virtus quoque
Sit et benedictio:
Procedenti ab utroque
Compar sit laudatio. Amen.*

V.: *Panem de caelo praestitisti eis.*

R.: *Omne delectamentum in se habentem.*

V.: *Dīvs, Tu esi mums dōvōjis dabasu maizi.*

P.: *Jeī nas mums Tovu žēlesteibu.*

Oremus

Deus, qui nobis sub Sacramento mirabili passionis tuae memoriam reliquisti, tribue quaesumus, ita nos corporis et sanguinis tui sacra mysteria venerari, ut redemptionis tuae fructum in nobis iugiter sentiamus. Qui vivis et regnas in saecula saeculorum.

P.: *Amen.*

Lyugsimēs

Kungs Jezu, kas esi mums atstōjis Vysusvātōkū Sakramentu par pīmiņu sovom cīsšonom, dori, lai mes Tovas Mīsas un Ašņa svātū nūslāpumu tai gūdynojam, ka varātu pastōveigi sajimt Tovas pesteišonas augļus, kū lyudzam nu Tevis, kas dzeivoj un voldi myužu myužūs.

P.: *Amen*

LAI TŪP CĪNEITS

Lai tūp cīneits un gūdynōts Vysusvātōkais Sakraments, eistyna Mīsa un Asnis myusu Kunga Jezus Krystus. (Trejs reizes.)

VYSUSVĀTŌKŌ JEZUS SIRDS

Vysusvātōkō Jezus Sirds, apsažāloj par mums. Bezvaineigō Marijas Sirds, lyudz Dīvu par mums. (Trejs reizes.)

SVĀTŌ MISE

PAR SVĀTŪ MISI

Svātō Mise ir Jezus Kristus īstōdeitais Jaunōs Dereibas upurs, kurā pats Pesteitōjs upurejās par mums dabasu Tāvam, leidzeigi kai Jis tū dareja, mērstūt pi krysta.

Pesteitōja Golgātas upurs kļūst klōtasūšs ikvīnā Svātajā Misē, jo zem maizes zeimem ir Kristus Mīsa, «kas par jysim teik atdūta», un zam veina zeimem ir Kristus Asnis, «kas par daudzim tiks izlīts grāku pīdūšonai» (sal. Lk 22, 19; Mt 26, 28).

Tūmār saleidzinojūt ar upuri pi krysta, atšķireiba ir šaida:

a) pi krysta Pesteitōjs cīte, bet sv. Misē Jys ir klōtasūšs sovā apskaidrōtajā Mīsā, kas vairs nav pakļauta cīsšonom un nōvei;

b) sv. Mise ir upurs, kas teik pastōveigi svynāts: «Nu saules lākta leidz rītam Muns vōrds ir gūdā storp tautom, un vysōs vītōs Munam vōrdam teik nasts un upurāts teirs upurs» (Mal 1, 11). Tys ir pastōveigi puļsejūšs Dīva žēlesteibas olūts.

Svātō Mise ir Bazneicas vyspiļņeigōkais dīvkolpojums un Dīvam vysvairōk pateikamais upurs, jo golvonais upurātōjs tymā ir pats Kristus. Taitod mes pīsadolom nūslāpumā, kurā Dīvs-Cylvāks gūdyņoj dabasu Tāvu un pasateic Jam, lyudzās par mums un gondarej, atdūdūt pats Sevi ar tū pošu upurgrybu kai pi krysta, jo «šei ir Muna Mīsa, kas par jums tiks atdūta un šis ir Muns Asnis, kas par daudzim tiks izlīts grāku pīdūšonai». Tōpēc Sv. Mise mums ir ļūti svareigs Dīva žēlesteibas olūts.

Kotra svātdīna, kod ticeigī sanōk uz Sv. Misi, ir kai Leldīnu svātki, jo šymā upurī jī patīsi sviņ Kristus nōves un augšonceļšonōs nūslāpumu.

Pīsadolūt sv. Misē:

- a) jōsekoj prīstera darbeibai pi oltora,
- b) kūpeigi jōsalyudz,
- c) jōatbiļd uz prīstera vōrdim, kas saceiti tautai.

Kai paleigleidzekli var izmontōt lyugšonu grōmateņu. Zvaneišona pi oltora nūrōda uz svareigōkajom Sv. Mises daļom.

Ticeigajim ir jōnūsamat ceļūs vysmoz konsekracejas un paceļšonas laikā, kai ari sajamūt Sv. komuniju un svēteibu Sv. Mises beigōs. Jōstōv kōjōs, klausūfīs Evangeliju.

Svātōs Mises pyrmō daļa saucās «Dīva

Vārda liturgija». Tymā svareigōkī breži ir grāku nūžālōšona, Dīva Vārda uzklau-seišona un ticeibas apļīcynōjums. Sv. Mises ūtrō (un svareigōkō!) daļa ir «Euharistiskō liturgija», kurā ītīlpst maizes un veina upurēšona, konsekraceja un sv. Komunija.

Izmontoj izdeveibu, lai pīsadaleitu sv. Misē vysmoz svātđīnōs un obligātajōs svātku đīnōs.

SVĀTŌ MISE,

kurā ticeigī lyudzās kūpā ar pīsteri

SV. KRYSTA ZEIME

Pīsters: **Dīva Tāva un Dāla, un Svātō Gora vōrdā.**

Vysi (kūpā ar pīsteri apzeimej sevi ar krysta zeimi un atbīļd): **Amen.**

LITURGISKAIS SVEICYNŌJUMS

P.: **Myusu Kunga Jezus Kristus žēlesteiba un Dīva mīlesteiba, un Svātō Gora klōt-byutne lai ir ar jums vysim. (Vai: Dīvs Kungs lai ir ar jums.)**

V.: **Kungs ir ar tevi.**

GRĀKU NŪŽĀLŌŠONA

P.: Lai mes varātu cīneigi pīsadaleit Svātajā Mises upurī, nūžālōsim sovus grākus, lyudzūt nu Dīva pīdūšonu. (Eiss klusuma breidis.)

V.: Es atsazeistu vysuvareigajam Dīvam un jums brōli un mōsas, ka es daudz asu grākōjis ar dūmom, vōrdim, dorbim un nūlaideibom. Muna vaine, muna vaine, muna vysulelōkō vaine. Tōdēļ es lyudzu Vysusvātōkū Jaunovu Mariju, vysus eņgelus un svātūs un jjusus, brōli un mōsas, aizlyugt par mani Kungu, myusu Dīvu.

P.: Lai apsažāloj par mums vysuvareigais Dīvs un, pīdevis myusu grākus, lai myusus aizvad myužeigajā dzeivē.

V.: Amen.

P.: Kungs, apsažāloj par mums.

V.: Kungs, apsažāloj par mums.

P.: Kristu, apsažāloj par mums.

V.: Kristu, apsažāloj par mums.

P.: Kungs, apsažāloj par mums.

V.: Kungs, apsažāloj par mums.

(Vai ari):

P.: Kyrie, eleison.

V.: Kyrie, eleison.

P.: Christe, eleison.

V.: Christe, eleison.

P.: Kyrie, eleison.

V.: Kyrie, eleison.

GLORIA

(Priesters īsōc, un vysi turpynoĵ laseit vai dzīdōt):

Gūds Dīvam augstumūs, * un mīrs vērs zemes lobas grybas cylvākim.

Mes Tevi slaveĵam, teicam un pīlyudzam, * mes Tev pasteicam un Tevi cyldynoĵam, jo lela ir Tova gūdeiba, * Kungs, dabasu Karali, Dīvs, vysuvareigais Tāvs.

Dīvs, Vīnpīdzymušais Dāls, * Jezu Kristu, Tu – Kungs Dīvs, Dīva Jārs, Tāva Dāls, * Tu nūceļ pasauĵa grākus, apsažāloĵ par mums;

Tu nūceļ pasauĵa grākus, uzklausi myusu lyugšonu. * Tu sēdi pi Tāva lobōs rūkas, apsažāloĵ par mums.

Vīneigi Tu esi svāts, *vīneigi Tu esi Kungs. Tu – vysuaugstōkais, Kungs Jezu Kristu * ar Svātu Goru: Dīva Tāva gūdeibā. Amen.

LYUGŠONA

Priesters (losa atteiceigōs dīnas lyugšonu, kū pabeidz ar vōrdim):

Mes Tevi lyudzam, myusu Kunga Jezus Kristus, Tova Dāla, vōrdā, kas ar Tevi dzeivoĵ un volda Svātō Gora vīneibā, Dīvs vysūs myužu myužūs.

Vysi: **Amen.**

DĪVA VĒRDA LITURGIJA

P.: (Iosa izvylkumu nu Sv. Rokstim un, tū pabeidzūt soka): **Tī ir Svātū Rokstu vōrdi.**

V.: **Pateiceiba Dīvam.** (Pēc tam dzīd psalmi vai goreigu dzīsmi.)

P.: **Dīvu Kungs lai ir ar jums.**

V.: **Kungs ir ar tevi.**

P.: **Lasejums nu Jezus Kristus Evangelija, kuru uzrakstejis svātais Matejs (Marks, Lukass, Jōņs).**

P.: (Iosa Evangeliju un beigōs soka): **Tī ir Svātū Rokstu vōrdi.**

V.: **Slave Kristum.**

CREDO

(Pristers īsōc, un vysi turpynoj laseit vai dzīdōt):

Es tycu uz vīnu Dīvu, vysuvareigū Tāvu, * dabasu un zemes, vysu radzamū un naradzamū lītu Radeitōju.

Es tycu uz vīnu Kungu Jezu Kristu, Vīnpīdzymušū Dīva Dālu, * pyrms vysim myužim nu Tāva dzymdynōtu,

Dīvu nu Dīva, gaismu nu gaismas, * patīsu Dīvu nu patīsa Dīva,

dzymdynōtu, na radeitu, * byuteibā lei-

dzeigu Tāvam, un caur kuru vyss ir radeits,
un kurs myusu dēļ un myusu pesteišonas
lobā * ir nōcis nu dabasim,
īmīsōjīs caur Svātū Goru nu Jaunovas
Marijas * un klivis cylvāks,
krystā pīkolts par mums Poncija Pilata
laikā, * cītis un apglobōts,
trešajā dīnā augšancēlīs, * kai pravītōts
Rokstūs,
uzkōpis debesīs, * sēd pi Tāva lobōs
rūkas

un otkon gūdeibā atnōks tīsōt dzeivūs un
myrušūs, * un jō vaļdeišonai nabyus gola.

Es tycu uz Svātū Goru, Kungu un
Atdzeivynōtōju, * kas nu Tāva un Dāla
izīt,

Kas ar Tāvu un Dālu teik leidzeigi
pīlyugts un slaveits, * kas ir runōjis caur
pravīšim.

Es tycu uz vīnu svātu katōliskū un
apostoliskū Bazneicu. * Es atzeistu vīnu
kristeibu grāku pīdūšonai,

gaidu myrušūs augšonceļšonūs * un
dzeivi nōkamajā myužēibā. Amen.

(Svātdīnōs un svātku dīnōs pēc *Credo*
dzīd vai losa vospōrejū lyugšonu. Uz prīstera
invokacijum tauta atbiļd: **Mes tevi lyudzam,
Kungs un Dīvs.**)

EUHARISTISKŌ LITURGIJA

Upurdōvonu sagatavōšona

(Ticeigī var dzīdēt pīmārōtu dzīsmi vai arī pīsadaleit lyugšonōs, kū losa prīsters.)

Prīsters (upurejūt maizi): **Mes slavejam Tevi, Dīvs, vysas pasaules Valdnīk, jo nu Tovas deveibas asam sajāmuši maizi, kū Tev upurejam, šū zemes un cylvāku dorba augli, kas kļjus mums par dzeiveibas maizi.**

Vysi: **Lai Dīvs ir myužam slaveits.**

Prīsters (īlejūt bikerī veinu un dažus pilīnus yudiņa): **Dori, Kungs, lai ar šō yudiņa un veina konsekraceju mes varātu pīsadaleit Kristus dīviškeibā, kurs ir vēlējis pījimt myusu cilvēcyskū dobu.**

Prīsters (upurejūt veinu): **Mes slavejam Tevi, Dīvs, vysas pasaules Valdnīk, jo nu Tovas deveibas asam sajāmuši veinu, kū Tev upurejam, šū veinakūka un cylvāka dorba augli, kas kļjus mums par goreigū dzērīni.**

Vysi: **Lai Dīvs ir myužam slaveits.**

Prīsters: **Kungs Dīvs, uzjem myusus, kas nōkam pi Tevis pazemeibas gorā un satrīktom sirdim, lyugdami, lai šudiņ myusu upurs ir Tev pateikams.**

Priesters (mozgojūt rūkas): **Mozgoj mani, Dīvs, teiru nu nūzīdzeibas traipa un škeistej mani nu grāka.**

Priesters (grīzūfīs pi cylvākim): **Lyudzitēs, brōli un mōsas, lai Dīvs, Vysuvareigais Tāvs, pījam šū munu un jyusu upuri.**

Vysi: **Lai Kungs pījam šū upuri par gūdu un slavi Sovam vōrdam, par lobu mums un vysai Jō svātajai Bazneicai.**

Priesters (losa lyugšonu par upurdōvonom, kū nūslādz ar vōrdim): **Caur Jezu Kristu, myusu Kungu.**

PATEICEIBAS DZĪSME (PREFACIJA)

P.: **Domini vobiscum.**

V.: **Et cum spiritu tuo.**

P.: **Sursum corda.**

V.: **Habemus ad Dominum.**

P.: **Gratias agamus Domino, Deo nostra.**

V.: **Dignum et iustum est.**

P.: **Dīvs Kungs lai ir ar jums.**

V.: **Kungs ir ar tevi.**

P.: **Uz augšu sirdis.**

V.: **Myusu sirdis ir pi Kunga.**

P.: **Pasateiksim Kungam, myusu Dīvam.**

V.: **Tys ir labi un taisneigi.**

P.: Patīši tys ir labi un taisneigi, pareizi un svieteigi, ka Tev dabasu Tāvam, vysu-svareigajam un myužeigajam Dīvam, mes pasateicam vysod un vysur caur Jezu Kristu, myusu Kungu.

Jys sovas lelōs mīlesteibas dēļ pacalts krystā, ir atdevis par mums pats Sevi

un, izlejūt asni un yudini nu pōrdūrtō sōna,

ir dōvōjis Bazneicai svātūs sakramentus,

lai pi atvārtōs Pesteitōja sirds vysi nōktu

un nu pesteišonas olūtim vysod smaltu prīcu.

Tōdēļ leidz ar svātajim un vysim eņgeļim mes Tevi slavejam, saceidami tagad un vysod: «Sanctus, sanctus Dominus Deus Sabaoth. Pleni sunt coeli et terra gloria tua. Hosanna in excelsis. Benedictus qui venit in nomine Domini. Hosanna in excelsis.»

Svāts, svāts, svāts ir Kungs, debess pulku Dīvs. Debess un zeme ir Tovas gūdeibas pylna. Hosanna augstumūs. Svēteigs, kas nōk Kunga vōrdā. Hosanna augstumūs.

EUHARISTISKŌ LYUGŠONA (ROMAS KANONS)

Lyugšona pyrms konsekracejas

Tevi, vysužēleigais Tāvs, mes pazemeigi lyudzam caur Jezu Kristu, Tovu Dālu, myusu Kungu: pījem un svētej šos dōvonas, šū svātū, teirū upuri. Mes Tev upurejam tū, vyspyrms, par Tovu svātū katōliskū Bazneicu: dūd tai mīru, sorgoj tū un vīnoj, voldi pōr tū vysā pasaulē leidz ar sovu kolpu, myusu pavestu un myusu veiskupu, kai ari vysim, kas aplīcynoj eistū, katōliskū un apostoliskū ticeibu.

Atcerīs, Kungs, sovus ļaudis. Pīmini ari vysus klōtasūšūs, kuru ticeiba Tev zynoma, par kurim mes tev upurejam un kas ari pošī Tev snādz šū slaves upuri par sevi un vysim sovejim. Meklejūt atpesteišonu sovai dvēselei, cereibā uz glōbšonu un aizsardzeibu jī nōk ar sovom lyugšonom pi Tevis – myužēigō, dzeivō un patisō Dīva.

Vīnōti ar vysu Bazneicu, mes gūdynojam Tovus svātūt, vyspyrms pīmynūt slavejamū, myužam Jaunovu Mariju, Dīva, myusu Kunga Jezus Kristus, Mōti kai ari svātū Jezupu, Jaunovas Marijas leigavaini, Tovus

svātūs apostoļus un mūcekļus Pīteri un Pōvulu, Andreju (Jākobu, Jōni, Tomasu, Jākobu, Filipu, Bartolomeju, Mateju, Seimani un Tadeju; Linu, Kletu, Klementu, Sikstu, Koreneliju, Cipriānu, Laurenciju, Hrizogonu, Jōni un Pōvulu, Kozmu un Damianu) un vysus Tovus svātūs. Jūs nūpalnu un aizlyugumu dēļ snēdz mums vysod Sovu paleidzeibu un sorgoj myusus. (Caur Jezu Kristu, myusu Kungu. Amen.)

Mes Tevi lyudzam, Kungs, pījam ar labvēleibu šū upurdōvonu nu mums, Tovim kolpim, un nu vysas Tovas saimes. Vodi myusu dīnas Sovā mīrā, pasorgoj myusus nu myužēigōs pazusšonas un pīskaiti Sovu izradzātū pulkam. (Caur Jezu Kristu, myusu Kungu. Amen.)

Mes Tevi lyudzam, Dīvs, svētej un pījam šū upurdōvonu, padori tū piļneigu un Sev pateikamu, lai tei mums toptu par Tova mīļōtō Dāla, myusu Kunga Jezus Kristus, Mīsu un Asni.

KONSEKRACEJA

Sovu cīsšonu priķšvokorā Jys jēme maizi sovōs svātajōs un cīnejamōs rūkōs un, pacēlis acis uz dabasim, uz Tevi, Dīvu, sovu vysuvareigū Tāvu, Tev pasateikdams, svēteja

lauze un deve sovim mōcelim, saceidams: «Jemit un ēdit nu tōs vysī, jo tei ir muna Mīsa, kas par jums tiks atdūta.»

(Pristers paceļ Hostiju.)

Taipat pēc vakariņom Jys jēme ari šū cylvonū bikeri Sovōs svātajōs un cīnejamōs rūkōs un, vēļreiz Tev pasateikdams, svēteja un deve sovim mōceklim, saceidams: «Jemit un dzerit nu tō vysī, jo tys ir Muna jaunōs un myužeigōs dereibas Ašņa bikers, kas par jums un par daudzim tiks izlīts grāku pīdūšonai. Dorit tū Munai pīmiņai.»

(Pristers paceļ bikeri.)

P.: Lyuk, ticeibas nūslāpums.

V.: Mes vēsteisim par Tovu nōvi, Kungs, un līcynōsim par Tovu augšanceļšonūs leidz pat Tovai atnōkšonai.

LYUGŠONA PĒC KONSEKRACEJAS

Tōpēc, Kungs, mes Tovi kolpi, kai ari Tova svātō tauta, pīmynūt Kristus, Tova Dāla, myusu Kunga, svēteigōs cīššonas, kai ari augšanceļšonūs nu myrūnim un gūdeibas pylnū uzķōpšonu debesīs, snādzam Tovai gūdojamai Majestātei nu Tovom dōvonom teiru, svātū un naaptraipeitū upuri, myužeigōs atpesteišonas bikeri. Uzlyukoj tū žēlsirdeigi un

labvēleīgi, un pījem, kai esi lobprōt pījēmis Sova kolpa taisneigō Abeļa dōvonas, myusu patriarha Abrahama upuri un tū svātū upuri, naaptraipeitū dōvonu, kū Tev snēdze Tova augstais prīsters Melhizedeks.

Dziļā pazemeibā mes tevi lyudzam, vysu-vareigais Dīvs, lic Sovam svātajam eņgeļam aiznest šū upuri uz Tova dabasu oltora Tovas dīviškōs Majestates priķšā, lai mes vysī, kas pi oltora pījimsim Tova Dāla svātū Mīsu un Asni, nu dabasim sajimtu ikvīnu žēlesteibu un svēteibu. (Caur Jezu Kristu, myusu Kungu. Amen.)

Atcerīs, Kungs, ari sovus ļaudis N.N., kas ar ticeibas zeimi pyrms mums ir aizgōjuši un dus mīrā. Kungs, mes Tevi lyudzam, jim un vysim, kas dus Kristū, ļaun īt īprīcynojumā, gaismas un mīra vaļsteibā. (Caur Jezu Kristu, myusu Kungu. Amen.)

Ari mums, grēcinīkim, Tovim kolpim, kas cerejam uz Tovu lelū žāļsirdeibu, lai ir ļauts byut kūpā ar Tovim svātajim aposolim un mūceklim: ar Jōni, Stepōnu, Mateju, Bernabu (Ignatu, Aleksandru, Marcelinu, Pīteri, Felicitu, Perpetuju, Agatu, Luciju, Agnesi, Ceciliju, Anastasiju), un ar vysim Tovim svātajim. Mes Tevi lyudzam, uzjem myusus Jūs sadraudzeibā, navys myusu

nūpalnu, bet Tovas žāļsirdeibas dēļ. Caur Jezu Kristu, myusu Kungu, caur kuru vysas šōs dōvonas Tu vysod rodi, dzeivynoj, dori svātas un snēdz mums.

Caur Jezu Kristu, ar Jū un Jymā Tev, Dīvam, vysuvareigajam Tāvam, Svātō Gora vīneibā ir vyss gūds un slave vysūs myužu myužūs.

Vysi: Amen.

SVĀTŌS KOMUNIJAS RITS

P.: Paklausūt Pesteitōja vōrdim un Jō dīviškū lykumu pyldūt, mes ar paļōveibu sokom:

V.: Pater noster, qui es in coelis, sanctificetur nomen tuum, adveniat regnum tuum, fiat voluntas tua, sicut in caelo, et in terra.

Panem nostrum cotidianum da nobis hodie; et dimitte nobis debita nostra, sicut et nos dimittimus debitoribus nostris; et ne nos inducas in tentationem; sed libera nos a malo.

Tāvs myusu, kas esi debesīs, svēteits lai tūp Tavs vōrds, lai atnōk Tova vaļsteiba, Tova vaļa lai nūteik kai debesīs, tai ari vērs zemes.

Myusu ikdīniškū maizi dūd mums šudiņ un atlaid mums myusu porōdus, kai ari mes atlaižam sovim porōdnīkim, un naīved myusu kārdynōšonā, bet atpestej myus nu ļauna.

P.: Atpestej myusus, Kungs, nu vysa ļauna, dūd, lyudzam, mīru myusu dīnōs, lai ar Tovu žēlesteibu mes byutu pasorgōti nu kotras nalaimes un grāka, drūšā cereibā gaidūt atnōkam myusu Pesteitōju, Kungu Jezu Kristu.

V.: Quia tuum est regnum, et potestas, et gloria in saecula.

Jo Tev pīdar vaļsteiba. Tev gūds un vara myužeigi.

P.: Kungs Jezu Kristu, kas esi sacejis sovīm apostolim: «Es jums atstōju mīru, es jums dūdu sovū mīru», raugīs navys uz myusu grākim, bet uz sovas Bazneicas ticeibu un styprnoj vysā kristeigū saimē sovū mīru un vīneibu. Mes Tevi lyudzam, kas dzeivoj un voldi myužeigi myužam.

V.: Amen.

P.: Pax Domini sit semper vobiscum.

V.: Et cum spiritu tuo.

P.: Lai Dīva mīrs ir ar jums vysod.

V.: Dīva mīrs lai ir ar tevi.

Prīsters (laužūt Hostiju): Myusu Kunga, Jezus Kristus Mīsas un Ašņa Sakraments, kuru pījimsim, lai paleidz mums sasnēgt myužeigū dzeivi.

V.: Agnus Dei, qui tollis peccata mundi: miserere nobis. Agnus Dei, qui tollis peccata mundi: miserere nobis. Agnus Dei, qui tollis peccata mundi: dona nobis pacem.

Dīva Jārs, kas nūceļ pasaulā grākus, apsažāloj par mums. Dīva Jārs, kas nūceļ pasaulā grākus, apsažāloj par mums. Dīva Jārs, kas nūceļ pasaulā grākus, dūd mums mīru.

P. (klusom): Kungs Jezu Kristu, Tu dzeivō Dīva Dāls, kas, pyldūt Tāva grybu, Svātō Gora spēkā ar Sovu nōvi izglōbi myusus jaunajai dzeivei, atbreivoj mani ar Sovu vysusvātu Mīsu un Asni nu vysim munim grākim un nu vysa ļauna, lic man vysod turētis pi Tovom bausleibom un naļauņ maņ nikod nu Tevis škērtis.

P. (rōdūt Hostiju tautai): Lyuk, Dīva Jārs, kas nūceļ pasaulā grākus. Svēteigi tī, kurus Dīvs aicynoj pi Sova golda.

V.: Kungs, es naasu cīneigs, ka Tu nōktu pi manis, bet soki tikai vōrdu, un muna dvēsele kļjus vasala.

P. (pījamūt svātū komuniju): Kristus Mīsa lai pasorgoj mani myužēigajai dzeivei. Kristus Asnis lai pasorgoj mani myužēigajai dzeivei.

P. (dūdūt ticeigajim svātū komuniju): Corpus Christi.

Ticeigais: **Amen.**

P. (pēc svātīs komunijas atsagrīzis pi oltora): **Kungs, lic mums vysod ar teiru sirdi pījimt šū Sakramentu, kū esi devis par dzīdynōjumu dvēselem.**

(Vysi klusumā vai ari dzīzūt pasateic Dīvam.)

P. (losa komunijas lyugšonu): **Caur Jezu Kristu, myusu Kungu.**

V.: **Amen.**

MISES NŪSLĀGUMS

Prīsters svētej tautu:

P.: **Dīvs Kungs lai ir ar jums.**

V.: **Kungs ir ar tevi.**

P.: **Lai svētej jyusus vysuvareigais Dīvs
Tāvs un Dāls, un Svātais Gors.**

V.: **Amen.**

P.: **Dīva žēlesteiba lai jyusus pavoda.**

V.: **Pateiceiba Dīvam.**

Veiskups svētej tautu:

V.: **Dīvs Kungs lai ir ar jums.**

T.: **Kungs ir ar tevi.**

V.: **Lai Kunga Vōrds ir slaveits.**

T.: **Nu šō laika un myužeigi.**

V.: **Myusu paleidzeiba Kunga Vōrdā.**

T.: Kas ir radējis debesis un zemi.
V.: Lai svētej jyusus vysuvarenais Dīvs,
Tāvs un Dāls, † un Svātais Gors.
T.: Amen.
V.: Dīva žēlesteiba lai jyusus pavoda.
T.: Pateiceiba Dīvam.

iespiests SIA «Latgales druka»